


T 3150/5633.83

1



CHINESE - JAPANESE LIBRARY
HARVARD - YENCHING INSTITUTE
AT HARVARD UNIVERSITY
JAN 15 1940

新修曲沃縣志序 己卯仲夏

乾隆翰林

翰林書館

曲沃在西周時晉成侯自晉徙都為五世侯封地昭侯以封叔父成師為沃國其後併晉遷于絳春秋時為晉宗邑也獻公使太子申生居曲沃又為之城曰新城傳至景公十五年遷于新田復命新田為絳以絳為故絳實晉成公六年也是終晉之世皆居新田云漢志聞喜故曲沃武帝更名絳晉自曲沃徙此絳水出西南續漢志晉志並同其時未有曲沃也北魏始有曲沃與聞喜絳並立析絳之新田置也自隋以來皆因魏是故今之聞喜古曲沃也今之曲沃古新田也舊說相沿如此吾友湘潭張君和五好讀書攻詩歌古文辭為令其地政聲甚茂出其餘力輯縣志四十卷獨駁去舊說以為古曲沃不當逾絳山汾澮以南且武帝紀謂帝至左邑桐鄉聞南越破以為聞喜縣蓋左邑南鄰曲沃境故地志遂指聞喜為曲沃耳反覆考之當以今縣治西南數里之故城為

新修曲沃縣志

序

一

古曲沃。而今縣治內有晉世子墓。當為申生所居之新城。其新田。則今縣治西三十里侯馬鎮。土人猶以新田呼之。當汾澮之交。正與韓獻子言新田。有汾澮以流惡者相合。君之說援古証今。博辨無碍。聞者雖疑且駭。君不為奪。予方繫官京師。惜未暇從君眺覽。登陟於其間。據所目覩。質諸傳記。以驗君說之精也。君之在曲沃於今六年矣。方以課最入。覲來京師。以君之久於其職。與其士民甚親。而又能勤於吏事也。與之語。於其一邑之利弊。因革。罔不條舉縷縷然。然則君洵可謂克稱厥職。而援古証今。考正傳紀之訛謬。此蓋君之末耳。乃予於此益以見欲為循吏者。非通儒不可也。爰序其書而歸之。

新修曲沃縣志序

乾隆戊寅

縣令張

坊

和五

宜興儲六雅先生。修山西通志成書。坊時在京邸。遊太僕師門。受而閱之。立論有典則。而辨證一志。剖疑摘要。見未曾有。至散見各邑。若彼此相牴牾。先生則并兩說存之。因就正請益。謂修省志。徵之縣志也。辨其大綱耳。餘則三晉廣矣。勢不能如盧敖之窮遊。穆滿之徧歷。身親目擊。真知確見。握管時能以此邦文獻。而臆斷其有無可乎。解人知之矣。坊時為之心折。夫志以昭信。亦以醒疑。民牧者為人師長。將以醒羣疑也。必足之所履。目之所經。能指畫其山川都邑。形勢建置。胸有成竹。而後迺可醒羣疑。而千古因仍沿革之說。亦不致任人秉筆。恣瀆而罕所抉摘。曲沃屏鄆太行襟帶。汾澮稱平絳。劇縣舊矣。風俗之儉樸。財貨之衍輿。冠紳文藻之彬雅。都蔚自明迄今。來令茲邑者。先後皆纂錄。如周書鄭志。史胥藏之。用昭一邑大槩矣。蓋志乘之修廢。與政治之張弛。實相為表

裏。今去雍邱趙君修沃史時百五十八年。卽崇安潘君修縣志。亦五十有二年。稽之外史掌邦國之志。每歲詔登。相去久遠。則編其戶籍之登耗。上其生齒之繁寡。酌其徭役之勞逸。經其渠堰之蓄洩。踵前人功。鑿然使不磨。余也何敢多讓。顧志以垂信而剖疑。余來沃。凡沃所當爲。不惜謏劣。每舉而正之。然三年中所疑而莫釋者。獨曲沃新田之故墟。恒軫轆而不能申其辨。嘗考之先儒注疏。前代著述。皆稱古曲沃在聞喜。新田在今曲沃坊。以形勢推度。山川區畫。古曲沃不當逾絳山汾澮以南。新田豈宜仍遷沃城爲一地。卽兩邑之聞人。如二李者。互載辯證。然皆無地以處新田。此千古以曲沃爲疑案。相沿而不改。熒惑將終古焉。會歲丁丑。邑人以移驛之舉。欣然請重修縣志。余乃以平昔所問學。參之三十年之閱歷。遠稽近徵。彰明較著。指侯馬爲新田。古城爲曲沃。今治爲新城。陳書質之。繪圖考之作徵。辨之。徧質諸士夫英耄。怡然

渙然。冰解心服。乃知尙論當具隻眼。立說當有確據。臆斷者何能操邑乘之觚。未嘗不往復六雅先生之言之有旨也。坊惟曲沃新田。在成周爲封國。及隸平絳。稱雄望。古籍昭然。煌煌乎大邦也哉。乃不採經傳。不辨故址。不核名義。非地負人。實人負地。讀書稽古之謂何。然饒於古而畧於治。將人民社稷。豈能以不治治之耶。故華藻之以文章。根據之以事跡。尤舉治化所切要者而書之。然後羣知趨向。斯三千年之名區勝地。不淪於蔓草荒烟。億萬載之學士文人。皆自明於光天化日之下矣。古者輶軒採風。其典雖廢。稽雍正七年。

詔各省修通志。以備一統志之採擇。今卷帙哀然。凡郡邑之所撰輯。皆若金鑑南車。而坊也遭逢。

明聖。分符古邑。職宜以文章報稱。備內外史考。而潤色休明。黼黻皇猷。顧敢稍自暇逸。不力爲考信。以昭示吾民。而剖厥疑於來許也耶。

舊志劉序

嘉靖三十年辛亥

邑侯

劉魯生

恩縣

曲沃舊無志刻。嘉靖戊申九月，予承乏是邑，纔踰月，巡撫舜澤蘇公移文來取縣志。予實不文，且初任未暇也。因謀諸耆舊，得邑之英毅軒李子，裴莊仇子，近泉許子，禮請以董其事。兩月而集成。予公暇，披閱三覆，見風土之美，山川之秀，賦役戶口之繁，物產之衆，官師人物之賢，文章著述之雅，甲於他郡。迺作而嘆曰：沃，古封國也。肇自三代，大盛於春秋。至今猶爲河東劇邑，而無志焉。斯不謂之缺典乎？廢而不舉，有司責也將欲以三子之所成者壽之於梨，又思今郡縣志，卽古列國之史，所以彰往察來，別淑慝，昭勸懲也。非可易易言者。必廣詢博採，而後無遺蹟；循名責實，而後無訛傳；義正詞確，而後無贅語；類序倫分，而後無亂章。故其載欲悉，其事欲核，其書欲直，否則疎也。戾也。支且舛也。志雖作，不如其已。此古文章之士，操觚染翰，千言可立就，至槩之以史，則雖學博二西。

體具三長。而於一字之下。未嘗不含毫閣筆。遜其難而莫敢定。顧予何人。而敢當茲任哉。遂寢其事。因循幾二載。毅軒子復來請曰。邑志前此凡三作矣。今皆隻字弗錄。若再襲前愆。恐九仞之功。廢於一簣之未成。寧不為智者惜乎。予因其言。而諦思之。金匱石室之藏。與蕘夫野人之記。臧否不同。其趣一也。矧我國家疆理海內。曲沃去畿壤。僅千餘里。其民物之被德澤。人材之沐教化。亦深且久矣。則夫紀述治功。贊揚盛美。亦有司奉職之義也。是以忘其謗劣。取三子之錄。間以已意。繁冗者刪之。失次者定之。缺畧者補之。事類之不係乎本縣。無關於名教者。削之。總其綱。則有八。析其目。四十有六。平帙。分為上下二卷。大率從三子之筆。而補偏救弊之論。毅軒子為居多。皆矢心秉公。守正不阿。據古今之跡。考名實之副。共求為實錄。以示存羊之意。云爾。若曰明軌。心章。崇教樹風。義足追古。文可傳後。繼成一邑之典。又俟夫後之長於史才者。而予固非其人矣。

舊志李序

嘉靖三十年辛亥

孝廉商

李廷寶

毅軒

沃有手錄志。邑人張文聰氏家藏。凡二卷。不知其作者為誰。而傳自景泰正德之初。都憲退齋公修飾之。當時有司弗錄。諸梓。而今乃亡之矣。嗣後侍御沸泉公修之。司訓周君錡集士子。而又修之。生儒耿君禮又修之。凡三舉也。皆因上官所購。故有司敦請之。以應一時之求。事已而遂棄之。屢修屢廢。迄今無成書。嘉靖戊申。巡撫舜澤公集郡邑志以為通志。而復來取於沃。時泗泉公視篆之初。未暇修撰。乃屬其筆於裴莊仇子。近泉許子。而濫及於寶焉。寶等承命。深以弗稱。是懼既而矢同心之公。肆日夜之力。披閱子史。參考舊乘。採掇眾長。竊附已意。歷兩月而藁成。然蕪詞贅說。寧無議於人哉。補偏救弊。崇雅黜浮。固吾泗泉公訂正之力也。公分為二帙。獻之於省。復出俸餘。壽之於梓。使數百年缺典。今為完書。其有

功於吾邑也大矣。其加惠後學也遠矣。

舊志許序

嘉靖三十年辛亥

孝廉河許遜近泉人

兩儀奠位。日月星辰麗於上。山河草木寄於下。志之理具矣。河出圖。洛出書。聖人則之。體國經野。以為民極。志之事詳焉。容成氏之所兼。職方氏之所掌。未之有易也。我明中興。倣古為治。上自天文。下及地理。中而人賢物阜。時序禮秩。罔不志焉。志也者。所以核名實。昭勸戒。彰往鑒。備采擇。以敷政治焉者也。今之郡縣。古之列國也。今之志。古之史也。俗風觀於斯。政治污隆具於斯。學校人文。關於斯。賦役備於斯。疆域封守。山川物產。載於斯。故觀志者。可以知土地之宜。可以識時勢之趨。可以設教。可以崇化。可以通變。以宜民。志之所係。豈其微哉。曲沃肇自成侯。赫奕於晉。霸圖數世。嗣是而後。生於斯者。未嘗無志。志其所知。而不能及於其所不知。宦於斯者。未嘗無志。志其所見。而不能及於其所不見。是以隨得隨失。若

存若亡。湮沒而不舉者。數百載。君子之至於斯。民風雖可傳。污隆其何稽。河山雖可覽。文獻其何徵。甚哉。志之不可已。猶政之不可無也。泗泉劉公尹。我茲土。樹教維風。建極端軌。首以是志為問。可謂知大體矣。既而巡撫舜澤公。移檄來取。遂廣搜博。採以盡其能。循名考實。以覈其真。分門析類。以秩其序。崇雅黜浮。以正其義。綴遺備畧。以宏其規。使數百年未定之典。一旦而屹立。數百年已往之蹟。一覽而無遺。勸戒昭然。美惡俱具。是豈漫為已哉。徵事存乎學。立議存乎識。屬辭比例。存乎才。公博洽明練。識見卓越。政暇之餘。絺章繪句。擣華敷英。固不苦著立之難。傳之四方。垂諸久遠。永宜為史氏之守。遜也躬沐德化。且辱命教。樂觀厥成而止。前輩虛糜之費。又愧蠅附。不能贊珠玉之輝煌瑜麗也。

沃史舊序

萬歷四十年壬子

解元進士李尙思晉峯人

曲沃之有志也。自恩縣劉侯始。今雍邱趙侯起寶坻。令來沃。

甫下車。卽慨然前志。乃屬邑博王君曰俞萃。文學閻生重光。梁生士毅。劉生靖國。因生貳卿等。分類編纂。語語皆由於翔名之曰沃史。而問序於余。昔者成周建國。各有專官。以職紀載。則爲史臣。乃子輿於千八百國中。僅舉晉乘楚檇杙。以證魯史春秋。則知善史之良難。今之邑志。國史之遺意也。語有之。土生人。人生事。事生志。志一出而人畏。志乃懼事。是故董狐之筆。可信而徵。可懲而勸。侯之意實寄之沃史哉。沃自晉昭侯封桓叔。乃有今名。而繼世號多事。建新城之後。恭世子經於譖。然終晉世。猶遞有弑奪。而隨分於魏。終入於秦。爲左邑。漢元鼎間。爲聞喜。而建武又爲絳。至後魏而復今名。名何以仍曲沃也。謂膏膺猶故耶。而侯則謂石田多而軍興重。民以賈而輕。去其鄉。泰山發婦。不畏虎。而畏政。其意欸欸在民矣。卽山川建置。方域物產。亦必宜氓隸之鬱。若痼瘵之在身焉。見其表則重秩官。見其攷則重風俗。見其志則重人物。見

其傳則重檇杙。若曰。凡爲秩官者。悉爲民有者也。一不穀。其謂民何。民以習成。釀爲風俗。人物先民之典型。而檇杙其攷鑒者也。侯之評邑令。有官卽微。人豈微。官負人。人負官之論。言言斧鉞。讀之凜凜。則侯之入於民者可知。是信史也。人比之春秋。而實沃侯之政記也。或惜侯才賸三長。乃不爲史。而爲吏。然人人循良。而天下治。人人操不律。而民亦安。所寄生死乎。侯抱直突之慮。而情見乎詞。能爲千古徵文獻。又何吏之不爲史也。沃之史。前無作者。有之自雍邱趙侯始。則其書不直可上追晉之乘哉。

再修沃史序

順治七年庚寅

進士兵部
左侍郎 衛周印

部孫
邑人

古者天子巡狩以觀風。太史陳詩以貢俗。達志通欲。中無釜鬻。迨後天高閣遠。風俗湮鬱。民間美惡淳澆。未由聞於天子之庭。嗣大吏受王者命。循行方國。採習俗風謠。以獻於殿陛。由是天子有史。郡國有志。夫志者志也。一邦之人。有事於此。

而悉志之一邦之宰有事於此而亦志之志之者何將以扶翼斯人於有裨助流教化於無窮斯作志者之志也沃為晉國巖邑自晉昭侯封桓叔曲沃始著延袤逼促壤地褊小其間山川風土人才名物每以積聚之厚挺秀傑之寄大抵人尚勤嗇心存樸良質遷十之七耕讀十之三腰纏充盈棟鏤瘁苦伏案之子又且浩博而篤信是以繙閱沃志者不勝一隅三古之思焉今何如乎跳梁者揭竿而呼輕佻者游手以食肇牽車牛者出門何所之較量雨晴者早澇有難問飽沃邱索者且苦青緇之零落而嗟黃鳥之罔棲嗟乎回視勤嗇樸良相去亦什伯焉雖風會使然亦人心不逮古也遠甚編是志者雖曰志山川之勝槩可動保障之思志聖賢之芳規可奮景行之願志戶口之登耗賦役之繁簡可厘愛養之惠志士風之端邪民習之猥樸可施維挽之術志之關係重矣哉余獨以為追昔日之所事觀今日之所行山川仍故一切

戶口賦役士風民心有一不動採風者咨嗟嘆息乎今幸際李公政通人和百廢具興將謀所以續前未竟者有慎始和中公其克成厥終者耳後有觀風君子臚列善狀以登安在沃志不與國史同觀也

三修沃史序

康熙五年丙午

河南陝西巡撫兵部尚書賈漢復

膠侯邑人

予不斐叨撫兩河時日擊凋殘徵文考獻於杞宋庸備勸懲蓋數年而畢役藉手入

告采采矢慎罔敢曲徇每有知罪之懼他日奉

命入秦歸經里門見邑乘缺遺竊有志焉以

簡書夙駕未遑討論閱今又數年所邑侯朱君暨薦紳輩爰有繕修之舉役竣走函問序於余夫以九州而冀居其一三晉之中沃惟一同壘空大澤之喻似於微末而易理曩在萬歷壬子邑侯趙公以三長之管擷秀闡微勒為全帙沃史稱焉少宰李先正序其崖畧差云備矣今嗣續而為之積之以五

十餘年。缺遺散失之後。欲以一邑觀全晉之運會。其漏也。闕疑而實。固陋也。其誣也。搜奇而實。無稽也。其訛也。膚則金根。惑則豕亥也。其穢也。荒如草蕘。濁如塗泥也。不知其難而鹵莽之。與知其難而憚畏之。築舍焉。聚訟焉。一傳衆咻。環攻正的。斯則人有史禍之慮。時鮮陽秋之準矣。予惟皇清一統。十五國英才輩出。典籍苞符。無不雲集。敝邑雖小。簡在而枚卜者。

國初有兩公焉。固叔向子華子之遺風。亦地氣之盛也。山互峙於東南。汾曲抱於西北。不但形家艷稱之。靈淑攸萃。實產賢豪。明季以勝首捷者。聯翩而三。其他膺仕榮祿。又不可以更僕說者。以爲人地交相爲重。自成師申生而下。曲沃之名。將與天壤俱永。而竊有慨焉者。民日瘠矣。名雖沃土。未善也。歌詠唐風。朴儉質淳。固克安貧。而無佚志。戶口縮於舊版。膏力竭於繭絲。休息煦養。有望於今之君子者。匪朝伊夕矣。夫志

之最古者。晉乘與魯春秋並垂。卽舊一統志。山西通志皆不啻格人元龜云。予所知者。安邑曹先生之志。以六官分隸。條目臚然。藝文則首峒嶠。超越諸子。信名裁也。今之曲沃。將不讓於安邑。予得快讀之。且附以不朽。時予爲陝西通志。會且成書。又贅之曰。集往古而示來茲。固薦紳之事哉。然上之關乎

朝廷。下之關乎風教。安在邑志不可與

國史並也。茲役也。可謂知本矣。

四修沃史序

康熙五年丙午

太原司馬

署縣事 張奇勛

祥符

沃。奧區也。溯自太行而西。地勢盤礴。石田綿亘。二百里許。至此而地始衍曠。紫橋爲屏。歸然表之。而沃居其抱。澮汾之環。滌如帶。蒼玉之瀑布如練。川嶽之氣。獨於沃乎。是鍾故其人。文嶽嶽。歷代稱文獻邦。語曰。沃土之人。息其士。矜而秀。民樸。橄而好禮。猶陶唐氏甸服遺風。至其戶口之殷繁。土宜之碩。

且滋不煩縷悉。而地當秦晉之衝。又居然河東一巖邑哉。予於丙午春。適以邑令乏人。來代爲庖者。曠觀山川之勝槩。仰止乎文物之蔚勃。爰取成志而吁之。見其自戊辰以至我清定鼎以來。闕焉未續。於戲。邑之士風沿革。代各有紀。其官師文物。崛起

與朝者。炳炳麟麟。而巖邑之乘不備。曷以充計吏之貢。而應輶軒者之採風。古者列國陳詩。太史掌之。昭勸誠表。善良大者。刻於國書。厥詳與細。復綜之各郡邑。故邑志所謂閭史也。蓋與國史並重云。然難言之。史以誌備昭信。備則徵。徵則信。信則傳。必有一代之偉人。斯能謀百世之大業。修舉未易易耳。而沃之乘終不可闕焉。適范憲使監郡河東。因而揚扞盛典。且重以師相之表率。中丞之推誠。進邑之紳士。而商榷之。迺延國老衛公君澤。許公霍東。出其才與識。訂續舊編。學博王君肖舜。董其役。以名世立言。自成不朽盛事。不徒爲方輿之

紀。辭必信。今而傳後。振雅釐浮。勒成盛典。豈曰琬琰於一時。乃史成而請序於予。予曰。於戲。沃固奧區也。踞河東上游。其人文蔚起。嶽嶽猶昔。而蒙侯輪蹄。吏疲奔命。民困無毛。採風者不無時勢異殊之感。予以雒中迂儒。代庖六月。藉諸君後。可幸無過。今樂觀其成。而文獻足徵矣。沃之幸也。珥筆諸公之力。予何力之有。

五修沃史序

康熙七年戊申

邑侯周

鉞莆田

曲沃之志。創於嘉靖。恩縣之劉。成於萬歷。杞縣之趙。至我皇清康熙丙午。署沃今衡陽太守張公。銳然邑乘。按圖考狀。徵故采謠。其經鄉先生之耳目。士大夫之口吻者。業核其詳。無亥豕魯魚之訛也。凡土疆之分合。山川之流峙。道路之通達。風俗之隆替。物產之登耗。邑里之興廢。賢科人物。宦跡官師。靡不包括無遺。而復以雲漢昭回之章冠焉。咫尺之編。識大舉細。彰往古而揭來今。厥功金石與並矣。余不敏。承乏椒聊之

墟夙夜在公。拮据民事。於鉛槧文獻。懼歲穡不逮。溪刻徒勞。不敢作拈毫想。茲沃邑之老成具瞻。裁衡鉅典。則大師相。大司馬。謂志之藝文一卷。所以彰符采也。而文多挂漏。卽靈光一碑。讀之輝光四映者。竟置不錄。屬余以校搜之役。因不敢避炎暑。尋巖岫之迹。求鄴架之藏。兩旬而殺青。乃竟剗刷將竣。唯舊史內自唐宋金元明之有目無文者。間爲補足。其國朝諸家詩文。咸已鐫石。而藝文則差有可觀。刻有成本。因弁數語以志其勤云。

五修沃史序

康熙七年戊申

解元進士 衛周祚 聞石大學士 邑人

嘗聞作史有三長。曰才學識。修志亦有三長。曰正虛公。何謂正。表端始可取影。繩直始可裁木。有廉潔平直之望。一受事。咸心傾焉。然後可以惟吾抑揚。而人不譁。何謂虛。裘必成於衆腋。冶必集於碎礪。匹夫匹婦之口。有確案焉。谷虛則響應。器虛則受多。自是非人。先正戒之矣。何謂公。平衡不偏。軒輊

止水不作妍媸。惟物有分。惟人有質。墜淵加膝。使人眩於名實。罔知所守。則孰是簡斥之不言。怨榮錄之不言。德者有此三長。而又有才學識濟之。然後可握生花五色管。了於心而指諸掌。沃之爲邑。其地則春秋之新城。其事則毛詩司馬遷班固。類能言之。而其義則在創志。修志與續志者。觀感而起。各喻所懷來。而生於其心。發於其事。攷於其故。傳於其後耳。余官國史。日兢兢於史事之難。吾邑周侯治沃。有特操。有異政。余欣慕者久。茲且以丁未戊申兩年。事關民社。及節孝秀者。類足之。丙午年後。賚其成帙來示。靜氣讀之。見其於紀之二表之七。攷之八。述之三。與夫二志五傳。罔不訂訛正誤。心細於髮。獨殫厥心於藝文一志。患其志之錄詩而遺文也。維時賈司馬公趨

朝過里。侯不憚炎暑。趨而就正。集紳衿於泮宮。雖有人代遼遠。精爽闕湮。躡尋亡其端委。毫素失其標紀。極意采搜。得唐王

勃靈光寺碑。及宋金元明古文。綴原志文目之下。而以國朝諸文列其中焉。猗歟。侯之意良美且大矣。臨淄侯曰。文章經國大業。不朽盛事。旨哉斯言。堪起作者。侯之導沃人士。游泳

國家同文之化。家絃歌而戶詞賦。更授簡勸督。寧質勿縟。寧經勿諧。寧簡勿蔓。寧澹勿支。寧黜其臆測而遵蕩蕩平平之路。非所謂正虛公而濟以才學識。曷克臻此。今而後。人文彬彬。山川生色。藉有侯之全史矣。

舊志潘序

康熙四十五年丙戌

邑侯潘

錦崇安

曲沃舊志五卷。明嘉靖間縣令劉公魯生所修也。萬歷間。知縣趙公彥復增爲二十六卷。名曰沃史。

本朝攝縣事太原司馬大梁張君奇勛。因沃史舊文。重加編輯。爲二十五卷。前令莆田周公鉞。別綴藝文若干首。書始出。或病其言不雅馴。詮次紕繆。有志者每欲起而正之。余嘗讀是編。

自愧見聞謏劣。不能窺作者旨趣。然於標目頗竊疑之。蓋古者諸侯各以其年紀元。故列國有史。如齊之有南史。晉之有董狐是也。自封建改爲郡縣。禮樂法度。一稟章程。無敢私議於室。卽稗官野史。同於齊諧。君子猶或非之。况一邑之紀載。儼然自命爲史乎。故嘗過不自料。輒與邑中同志。取曩時舊志。別爲義例。增損彙括。闕者補之。繁者約之。平心商榷。一衷諸道。名曰曲沃縣志。蓋所以繼前賢未竟之志。竊附於張周二君子纂輯之末。非敢爲作也。後之君子。本是編而參考互訂。別展心裁。勒爲一書。光諸國門。予又竊有望焉。

新修曲沃縣志

總裁

壽得郎兼都察院右副御史巡撫山西太原等處地方提督屬等關軍務兼理靈鎮加級紀錄三次

塔永寧

提督山西全省學政掌陝西道監察御史加二級紀錄一次

蔣元益

山西等處承宣布政使司布政使加六級紀錄三次

劉慥

山西等處提刑按察使司按察使加二級又軍功加一級

明山

山西布政使司分守冀道管理通省驛傳事務轄太潞汾澤遼沁平七府州加三級紀錄一次

趙孫英

前山西布政使司分守潁東兵備道管轄平蒲二府解絳吉隰四州按察使司副使加級紀錄三次

喬光烈

山西布政使司分守河東兵備道管轄平蒲二府解絳吉隰四州按察使司副使加三級紀錄一次

五諾璽

護理河東兵備道印務蒲州府知府加二級

周景柱

山西平陽府知府紀錄三次 秦勇均

山西平陽府水利同知 李士适

山西平陽府督糧通判軍功加一級 陳鐸

纂修

山西平陽府曲沃縣知縣加四級紀錄八次又軍功加一級紀錄三次 張坊

收掌

山西平陽府曲沃縣教諭 馮仁

山西平陽府曲沃縣訓導 杜坤

監造

山西平陽府曲沃縣典史 王正

編輯

浙江山陰縣 庚午科舉人 胡元琢

襄陵縣 癸酉科舉人 徐儲

分修

邑己未科進士湖南新寧縣知縣 劉樸

邑庚辰科進士 薛廷魁

邑己卯科舉人 李宗鄴

邑己卯科舉人 蘇惠民

邑丙子科副榜 張肅

邑監 生 許國宗

邑庠 生 李又絳

採訪 八十一人

張宗顥 壬子舉人 澄海知縣 張宗衡 己未進士 南通州牧 許學講 辛酉舉人 陵川教諭 行焯 甲子舉人 揀選知縣

郭仁蘭 己卯舉人 汾陽訓導 樊金魁 候選縣丞 衛洪修 候選訓導 董繩舒 歲貢

王汝臯 恩貢 周璿 拔貢 蘇如瑛 歲貢 許汝礪 貢生

褚講 歲貢 楊應通 歲貢 范嘉修 貢生 郭聖璵 貢生

王振聲 貢生 馬斯蛟 貢生 郭秉孝 貢生 趙粹普 貢生

李聯登 貢生 裴繡禮 貢生 呂亮 貢生 行日昌 貢生

張希良 庚辰舉人 秦武域 首貢 趙鎬京 廩生 許耕雲 廩生

段燦 廩生 李肯堂 廩生 李亦泌 廩生 王鑑 廩生

許蒼植 廩生 周仰聖 廩生 解炳生 廩生 張再詠 廩生

賈曰瑛 廩生 郝集成 廩生 上官明德 廩生 楊凌雲 廩生

張松齡 廩生 李士聰 增生 李棟材 增生 郭宗儀 增生

衛尹東 監生 許有發 監生 許夢熊 監生 尉梅 監生

杜世昌 生員 衛令東 生員 傅友夔 生員 樊體仁 生員

徐臨海 生員 孔元清 生員 董雲程 例貢 李則思 生員

楊清 生員 趙文煥 生員 董懿德 生員 張翼翀 生員

支森林 生員 王洪儒 生員 李塤 生員 賈百乘 生員

王炯 生員 行守敬 生員 靳克顯 生員 常上古 生員

衛子東 生員 秦澍 生員 祁喬遷 生員 馬統乾 生員

李茂埜 生員 常安 生員 李唐玫 布衣 李又綱 生員

兼理經費 齋長 靳价 齋長 李若浩 齋長 李健 齋長

賈名世 廩生 原正康 生員 李倣訥 生員 李德馨 生員

經費 生員 衛勛 生員 因必詠 生員 韓慕琦 生員 文塾 生員

校閱

絳州壬子舉人 閻廷玠

歲貢 王恪

廩生 靳孝友

生員 衛生洲

生員 郭錦

生員 衛儒麟

生員 李祖望

生員 因德崇

生員 王首乾

生員 王再陵

生員 傅澤長

生員 李君揆

生員 仇賦萃

儒童 因宗韓

儒童 王文燦

儒童 衛同日

繪圖

廩生 蘇應選

監生 高千仞

監生 衛齊旦

搜羅

僧會司 覺純

道會司 劉陽顯

陰陽訓術 李丕昌

醫學訓科 郭峽

辦事吏

吏書 亢

禮書 錦

禮書 勾廷楷

工書 李振聲 樊中木 因喬齡

湖南澧州吏目

解聲聞

戶典 柴

菁

李本唐

王鳴謙 東書 董武魁

凡例二十條

- 一曲沃非他志比也。經史煌煌，典據鑿鑿，未敢因仍舊說，荒悖貽譏。雖舊序原文相沿，必刪正並登之，固不存其瑕，亦不掩其美。
- 一舊志凡三十卷，今新增人圖考、坊表、寺觀、倉儲、武備、封爵、封廕、名宦、藝術、藝文、十卷，共成四十卷。搜羅皆本左國史、漢、卷帙視昔加詳，蓋備一邑典故，以供將來統志通志之採擇云。
- 一圖考舊止十一，今增其六。八景之外，又增益二景，字義調叶，允諧風雅。各景釋義，附見形勝。其沿革水利繪圖，備列本卷。
- 一沿革自漢儒誤註，曲沃之名，訛歸聞喜。致二李互辨，府志並存，訖無定考。今一本經傳，詳加訂正，繪圖質書，有識者自能辨之。
- 一舊志山川，皆失其傳。今山為考出太行、絳山、東陘、峨嵋、川則汾澮、天井，載籍昭然。千年若揭，其舊署紫金、大尖、合水、鼓堆、鄙俚不堪，概行刪去。
- 一學校為興賢育才地，諸生習禮，氓庶觀型。一切名物器數，弗可

畧也。用是詳著於篇，並附入歷代鄉學規制，以備觀覽。

一曲沃新田，久昧其處。舊志影響游移，今原本經傳，沃國新絳，確有其地。因地考古，古蹟祠墓，指出實多，毫無疑義。其盈村、庭城、桐鄉、王官城、樂昌縣、故郟城等蹟，皆屬臆說訛傳，概不濫登。

一陵墓自成侯徙曲沃，桓叔封沃國，景公遷新田，五侯三伯十三公，春秋書卒書葬，豈無其地。舊志祇載東北有八，東南有九，今奉清查得古塚一百有四，俱在沃境，名稱各殊，詳音可辨。晉國諸公諸公子，卿大夫，千年魂魄，乃一發其抑鬱之氣，故備書之。一水利，惟溫泉爲加詳。蓋唐宋以來，有溫泉注泮水三分，載在劉志。自明嘉靖地震，橋梁湮廢，迄今二百歲矣。予爲遵志復古，引水入池，以澤芹藻，爰備列顛末，俾後之君子有考據焉。

一郵政，自前明洪武間，以二驛移曲沃，官疲民困，幾四百年。乾隆二十二年，欣逢我

皇上聖明，平役節勞，准明大中丞之奏，仍以蒙城還之太平，勞逸

適均，毫無偏私，其稟請摺奏，詳記於篇。

一武備，舊志缺如。邑在春秋爲霸國，自成師封曲沃，戰爭無虛日。秦漢而降，兵燹頻仍，史冊可考也。核而登之，亦以見遭逢盛世，共享太平之福云。

一舊志列申生於人物，通府志因之。左傳：曲沃吾之宗，宗國無主，則民不威，使申生鎮撫之。夫宦茲土者，猶得表見官師，豈有十年坐鎮，遺愛遍於新城，顧與鄉大夫及土著人士並列者乎。故上自臺駘，中列五侯三伯十三公，下及漢唐，凡有可紀者，爲立封爵志以別之。

一封廕，大典也。舊志附貢舉之後，今特抽出，別爲一卷，以昭體制。一名宦人物，俱仿史家列傳，人物分六傳，從其優者，亦史體也。凡涉疑似，二志未敢濫收，如晉國不乏名賢，非繫五侯三伯十三公者，寧讓鄰封，不入沃乘。其列入者，一官一人，不能移掇他志。一志以紀美，有善則書，顧人情變幻，蓋棺乃可論定。今於人物列

女流寓藝術諸卷。現在者概不列傳。惟載二郭氏。以識大體也。
一前列女志。但載某氏某妻。不注里居。使子孫無考。故舊志有現
在守節五十七人。今只考出三十人。俱爲補傳。餘俱無知者。故
今必加詳載。以闡幽光。亦以見沃邑之多苦節焉。

一前流寓志。只載四人。夫名人經過。山川草木。皆若與有榮施。矧
當年名卿公子來聘。賢人詞客至止。詎可不列入志。以光邑乘。
一鄉飲酒禮。爲引年大典。舊止列鄉耆。而大賓介賓不與焉。今皆
查補。並考儀節。誥律圖式。詳列於前。總以鄉飲名卷。其義較備。
一修志。卽所以教士也。故藝文上列經史。下載詩賦。分類別體。以
明之。然後來著作。美不勝收。必有合於沃之景。沃之人。沃之事
物。及贈答諸公之有品望者。方爲載入。經傳左國而下。難乎其
爲選矣。刪俚就雅。蓋欲規成全璧。非敢以點竄塗改。冒突前人。
一志餘雖涉語怪。然理之所無。事所或有。採而記之。亦諸乘之所
不遺也。故上本左史子集。下及志乘紀述。以收一縣之古典云。

新修曲沃縣志目錄

卷之一

星野

卷之二

圖考

卷之三

沿革

卷之四

疆域

卷之五

形勝

附十景

卷之六

山川

卷之七

城池附市肆村鎮

卷之八

公署

卷之九

學校附書籍

卷之十

壇壝

卷之十一

祠廟

卷之十二

坊表

卷之十三

古蹟

卷之十四

陵墓

卷之十五

寺觀

卷之十六

關隘附橋梁

卷之十七

戶口附徵徭例

卷之十八

田賦

卷之十九

水利

卷之二十

倉儲

卷之二十一

郵政 附舖遞

卷之二十二

武備

卷之二十三

風俗

卷之二十四

方產

卷之二十五

封爵

卷之二十六

職官

卷之二十七

師儒

卷之二十八

貢舉

卷之二十九

封廕

卷之三十

名宦

卷之三十一

人物

孝友 文苑

忠烈 隱逸

儒林 卓行

卷之三十二

鄉飲

卷之三十三

列女

賢淑 貞烈 附見在守節

節孝

卷之三十四

流寓

卷之三十五

藝術

卷之三十六

仙釋

卷之三十七

祥異

卷之三十八

藝文上

卷之三十九

藝文下

卷之四十

志餘

新修曲沃縣志卷之一

星野

知縣

張

坊


纂輯



三垣列二十八宿。一宿之分野甚廣。必拘其躔度次舍。定位在某州某邑焉。則保章氏天官書。當不若是其鑿。天文家言。平陽當西方之七宿。主參井。漢地理志云。魏地背麟參。其分野也。其界自高陵以東。盡河東河內。諸書皆稱平陽。當背參之次。而左國載董因國僑。則獨以參主晉。夫參為忠良孝謹之子。明大則臣忠子孝。人產乎地。地應乎天。由來已久。况士莊子文伯。當悼平時。世習天文。其占君國兵歲。無不響應。前賢之考驗。亦何其精。當無差忒耶。今彙採諸家說。弁沃乘志

星野

觜宿圖



丹元子步天歌

三星相近作參彙。觜上坐旗直指天。尊卑之位九相連。司怪
 曲立坐旗邊。四鷗大近井鉞前。

占候

觜二度在參之右角。如鼎足形。主天之關。明大則天下安。五
 穀熟。隋志云。觜觶為三軍之候。行軍之藏府。主葆旅收斂萬
 物。明則軍儲盈。將得勢。動而明。葆旅起。張衡云。葆旅。野生之
 可食者。坐旗九星。在司怪西北。主別君臣尊卑之位。明則國
 有禮。司怪四星。在井鉞前。候天地日月星辰禽獸蟲蛇草木
 之變。與天高占同。

躔度

宋兩朝天文志觜三星。距西南星去極八十二度半。○坐旗九星。距南星去極六十一度半。入參宿八度。○司怪四星。距西星去極七十一度。入參宿六度半。

漢志歲星六月出石氏。在觜觶參。

唐志觜二度。上黨次居下流。與趙魏接。為觜觶之分。

唐志舊經觜觶八十四度。開元測觜觶八十二度。

宋志觜觶。漢永元銅儀。唐開元游儀。皆以觜觶為三度。舊去極八十四度。景祐測驗。觜宿三星一度。距西南星去極八十四度。在赤道內七度。

宋律歷志赤道宿度。觜一度。黃道宿度。觜一度。

金志赤道宿度。觜半度。黃道宿度。觜半度。

元歷志赤道宿度。觜初^五。黃道宿度。觜初^{〇五}。

明天文志赤道宿度。觜一十一度二十四分。黃道宿度。觜一十一度三十三分。

步天歌坐旗。司怪。俱屬觜宿。武密書及乾象新書皆屬於參。

漢洛下閎測觜二度。唐一行測觜一度。宋皇祐測觜二


度。元豐測觜二度。崇寧測觜半度。元郭守敬測觜五

分。

李淳風法象志。觜觶參伐。皆直天關。表而在河陰。故實沈下

流得大梁。距河稍遠。涉陰亦深。
 洛書甄耀度西方白虎。而背參為虎首。故有背之義。

參宿圖



丹元子步天歌

總有七星觜相侵。兩肩雙足三爲心。伐有三星足裏深。玉井四星右足陰。屏星兩扇井南襟。軍井四星屏上吟。左足下四天廁臨。廁下一物天屎沉。

占候

參十度。上爲五星日月中道。甘氏曰。參爲忠良孝謹之子。明大則臣忠子孝安吉。一曰參伐。一曰大辰。一曰天市。一曰鈇鉞。又爲天獄。又主權衡。所以平理也。又主邊城爲九譯。故不欲其動也。參白獸之體。其中三星橫列。三將也。東北曰左肩。主左將。西北曰右肩。主右將。東南曰左足。主後將軍。西南曰

右足。主偏將軍。故黃帝占參應七將。中央三小星曰伐。天之都尉也。又曰。七將皆明。天下兵精也。玉井四星。在參西右下。水象也。屏二星。在玉井南屏爲屏風。玉井東西四星曰軍井。行軍之井也。軍井未達。將不言渴。名取此也。又曰。主軍營之事。天廁四星。在屏東。溷也。天屎一星。在廁南。色黃則吉。

躔度

宋兩朝天文志參十星。距中星西第一星去極九十二度半。○玉井四星。距西北星去極九十八度。少入畢宿十一度半。○天屏二星。距南星去極一百一十五度。入畢宿十三度半。○軍井四星。距西南星去極一百五度半。入畢宿十四度。○

天厠四星。距西北星去極一百一十八度半。入參宿二度。○
屎一星。去極一百一十五度。入參宿三度半。

漢天文志。晉之疆。候辰星。占參伐。漢志。歲星四月出太初。

在參伐。歲星六月出甘氏。在參伐。

漢五行志。劉歆言。傳曰。時有毛蟲之孽。參。虎星。故為毛蟲。

唐志。參九度。

唐志。舊經。參九十四度。開元測。參九十三度。

宋志。參宿。漢永元銅儀。參八度。舊去極九十四度。景祐測驗。

參宿十星。十度。右足入畢十三度。

宋律歷志。赤道宿度。參十度。黃道宿度。參九度。

金志。赤道宿度。參十度半。黃道宿度。參九度太。

元歷志。赤道宿度。參十一。一十。黃道宿度。參十一。二十八。

明天文志。赤道宿度。參二十四分。黃道宿度。參一度二十一
分。

步天歌。玉井。軍井。厠。各四星。屏。二星。天屎。一星。俱屬參宿。晉

志。玉井。在參左足。武密。書屬觜。乾象新書。屬畢。軍井。晉志

在玉井南。武密。亦屬觜。乾象新書。亦屬畢。唐開元。游儀。在

玉井東南。屏厠。天屎。晉志。皆不載。隋志。屏在玉井南。開元

游儀。在觜。隋志。厠在屏東。屎在厠南。乾象新書。皆屬參。與

步天歌。互有不合。

漢洛下閎測參九度。唐一行測參十度。宋皇祐測參九度。元豐測參九度。崇寧測參十度半。元郭守敬測參十一度一十分。

左傳子產曰。昔高辛氏有二子。伯曰閎伯。季曰實沈。不相能也。后帝不臧。遷閎伯於商邱。主辰。遷實沈於大夏。主參。武王邑姜。方娠。大叔夢帝謂已。余命而子曰虞。將與之唐。屬諸參。而蕃育其子孫。及生。有文在其手曰虞。遂以命之。及成王滅唐而封大叔焉。故參為晉星。

國語董因對晉文公曰。實沈之墟。晉人是居。所以興也。

史記天官書曰。參為白虎三星。直者是為衡石。下有三星。銳

曰伐。為斬艾事。其外四星。左右肩膀也。小三星隅置。曰觜。觜為虎首。主葆旅事。註曰。觜三星。參三星。外四星為實沈。於辰在中。魏之分野。

西漢地理志觜觿魏之分野。餘同史記

後漢郡國志註自畢十二度。至東井十五度。實沈之次。於辰在申。謂之涿灘。於律為仲呂。斗建在巳。今晉魏分野。

律歷志註自畢六度。至井十度。謂實沈之次。晉之分野。

淮南子西南方曰朱天。其星觜觿參東井。注觜觿實沈。晉之分野。

晉書天文志自畢十二度。至東井十五度。為實沈。於辰在申。

魏之分野。

魏書天象志參魏分野。

唐書天文志觜觿參伐實沈也。初畢十度。餘八百四十一秒。四之一。中參七度。終東井十一度。得漢之河東。古晉魏地。宋史天文志天市垣東蕃第七星曰魏。西蕃第九星曰晉。地理志河東當觜參之分。

明史天文志恒星循黃道右旋緯度無古今之異。而赤道經緯則歲歲不同。然亦有黃赤俱差。甚至前後易次者。如觜宿距星。唐測在參前三度。元測在參前五分。今測已侵入參宿。故舊法先觜後參。今不得不先參後觜。不可強也。又

有古多今少者。觜宿中之座旗九星。今纔五也。

寰宇志平陽觜參之次。

圖書編平陽觜參分野。

明一統志禹貢冀州之域。天文觜參分野。

明列郡分野平陽府古冀州。觜參分野。

明志觜參實沈之次。於辰在申。

大清一統志云天文觜參分野實沈之次。

容齋洪氏隨筆曰。晉天文志謂自畢至東井為實沈。於辰在申。魏之分野屬益州。且魏分晉地。得河內河東。於益州了不相干。謬亂如此。而出於李淳風之手。豈非蔽於天而不

知地乎。

星之爲言精也。書云。庶民惟星。故在野象物。在朝象官。在人象神。春秋感精符曰。堯翼精。舜斗精。禹參精。湯虛精。尹文子曰。微子牽牛。顏淵中台。老子火。余不敢知。而周禮云。天星皆有州國分野。史記天官書注曰。觜三星。參三星。外四星爲實沈。於辰在申。魏之分野。晉地理志。河東當觜參之分。沃之在晉。太倉中稔米耳。然則參其分野乎。或曰。人道邇。天道遠。裨竈子韋。固彼中當行者。猶有驗有不驗。子非瞽史。焉知天道。余曰。唯唯否否。天地之氣。精稜相感。禹鑄九鼎。天乎何與。而太白見。氐房不照。汴似未開地脉。而王俊明以占王氣。由斯以譚。星之有分野信然。而人道天道。果不可遠邇岐也。宋景一發善言。而熒惑退舍。回天顧不以人哉。余因述歷代天官家言。而作星野攷。知縣趙彥復原序

周禮保章氏以星土辨九州之地。所封封域。分星隸之。以察灾祥。按天官分野。晉分參井之次。參觜之野。晉寧分之。沃邑麗焉。觜星三爲商旅。在氣爲火。參星三爲斬艾。在氣爲水。其外四星。則實沈也。天道人道。相爲感召。詩曰。明明在下。赫赫在上。可不敬與。知縣潘錦原序

新修曲沃縣志卷之二


圖考

知縣 張 坊 纂輯


著述之家。有書有圖。圖所以驗書也。周禮六官皆有圖。如版圖。地圖。天下圖。本圖。九州圖。丹圖。卽今司空輿地圖。以周知地域廣輪之數。先是將撰輯邑志。按地形。考載籍。指曲沃在故地。新田在今侯馬驛。邑紳士竊疑其臆創。及圖成。引書釋。釐然井然。無能易余之說。疑者議始息。嗟乎。圖其有功於斯土哉。因黍分粟布。歷繪其像。山河之所流峙。都邑之所遷徙。注䟽之所沿誤。累朝之所因革。旣繪爲圖。且節解之。昔人有畫地而陳邊徼。聚米以數山川者。余縱非其才。然尺幅之上。瞭如指掌。釋千古之疑。傳後來之信。圖蓋不可少也。志圖考。





山川圖







城池圖

















關廂圖





縣治圖



學宮圖



書院圖



文廟

素衣朱
襪從子
于沃既
見君子
云胡不
樂
唐風



沃國
高炎

紫金山

水巖



工厚水
深以有汾澮
以其惡
韓厥



新田
峽色



青岷若點黛素端
如委練
卿衛元



景明
瀑布



非神畧
而
長沸異
龍
汝而獨
涌
廣信



壘博
温泉



湛分獨
存如清
淵之印
月
魏伯易



涿溪
印



安鵠

思園

汾水 又應 從縣 南西 桑蘇

汾陰山

清儲鎮

姑射山



環汾閣

汾陰臺

玄風觀

汾隰 流雲



亭橋川城

南平望

北平望

○
峯橫爭浩

日

紫霞斜

易

集唐



續必晚照

絳山

無影塔

史店



橋晉晴嵐



神鼎中和之質帝鄉
雲台出關

程本



善殿縣



固陰徑
寒朝于正
宮集左



神波塔雁



沙塵起
而桂浦
昏鳧雁
下而蘆
洲晚
王勃



新修曲沃縣志卷之三

知縣 張 坊 纂輯

沿革

版圖之在寰宇。亦有幸不幸焉。沃之爲地。唐虞夏時。屬侯甸服。商在豕韋國境。周爲晉國。曲沃五侯之徙都。新田列公之遷國。帝畿侯封。凡二千有餘年也。秦漢置絳縣於新田。而魏晉因之。北魏復縣治於曲沃。齊周隋唐以來。宋金元明迄今。通都大邑。又二千有餘年也。豈蕞爾國彈丸邑之可比乎。然其間遷徙隸屬。名號不一。自非援經據史。書質而圖考之。幾何不以邦人士世守之古曲沃。移諸鄰封。而爲漢唐諸儒注疏之所誤也耶。故綜名義。詳辨徵。及歷代地表。志沿革。

唐堯時分九州。沃在冀州之域。堯都平陽。邑境在平陽東南。為二百里納銓之地。

虞舜肇十有二州。沃仍屬冀。舜都蒲坂。邑境在蒲東北。為四百里納粟之地。

夏禹復九州之域。沃在冀州。禹都安邑。邑境在安邑東北。為三百里納秸之地。

商湯因夏制。仍為九州。沃在冀州之域。

周河內曰冀州。初屬唐國。成王滅唐。以封叔虞。都翼。再傳燹父。改國曰晉。曲沃隸焉。四傳成侯。徙居曲沃。歷厲靖僖獻

五侯。至穆侯。徙都於絳。傅殤文昭侯。又徙於翼。昭侯時。分曲沃以封桓叔。別為沃國。子莊伯孫武公。滅翼併晉。傅獻

公。又徙都絳。使太子申生居曲沃。為之城。城是為新城。景公謀去故絳。遷於新田。在縣西南三十里。汾澮之交。

秦絳縣隸河東郡。應劭秦改曲沃為左邑。非是。漢書左邑注莽曰兆亭。兆作洮。縣在洮水之旁。水經注王莽以為洮亭。

漢絳縣屬河東郡。二十四縣之一。水經澮水過其縣南。注背汾面澮。縣治在新田之地。

東漢絳邑縣屬河東郡。二十縣之一。

魏絳邑縣屬河東郡。西晉絳邑縣屬平陽郡。十二縣之一。

後魏曲沃縣屬正平郡。二縣之一。隸東雍州。太和十一年。既西置東雍。正平故東移治於曲沃故地。復名曲沃。

北齊曲沃縣屬絳州。北周曲沃縣屬絳州。建德六年。移治樂昌堡。

隋曲沃縣屬絳州。八縣之一。唐曲沃縣屬絳州。七縣之一。隸開皇徙治新城。即今縣治。唐河東路。

宋曲沃縣屬絳州。雄絳郡防禦七縣之一。隸河東路。

金曲沃縣屬絳郡。防禦。隸絳陽軍節度使。改屬晉安府。又改屬河東南路轉運司。

元曲沃縣屬絳州。七縣之一。明曲沃縣屬平陽府。三十四州。隸平陽路。改隸晉寧路。縣之一。隸山西承宣布政司。

本朝因之。為曲沃縣。屬平陽府。隸山西布政司。編戶三十六里。雍正二年。析大郡。仍隸平陽府。十二屬。定為衝繁難。

晉綜

張坊

唐叔虞者。周武王子而成王弟。周公滅唐。成王九年。王剪桐葉爲圭。封之於唐。居古大夏實沈之墟。參之分野。在河汾之東方百里。禾有異畝同穎。叔得獻王。書作歸禾嘉禾。旋遷于翼。燹父作宮晉水。改國號晉。是曰晉侯。再傳武侯。族寧爲晉二世。曾孫成侯。服徙居曲沃。歷厲侯。福靖侯。宣僖侯。徒司儉嗇愛物。詩賦蟋蟀之篇。繼以獻侯。籍是爲曲沃五侯。宣王十六年。獻子穆侯。費徙居於絳。歷殤叔。文侯。仇當幽王十一年。扞修王室。平犬戎難。平王錫以文侯之命。至於昭侯。伯凡四君焉。昭侯封桓叔。師成於曲沃。而復徙翼。歷孝侯。平鄂侯。郟哀侯。光小子侯。晉侯。緡爲翼六侯。桓叔好德。揚水椒聊。國人咏其盛強。傳莊伯。宗杜預序之十一年。卽鄂侯二年也。爲魯隱公元年。始入春秋。其子武公。稱滅翼併晉。在魯莊公十六年。卽釐王四年。王命以一軍爲晉侯。傳子獻公。諸九年。爲周惠王之九

年。晉始都絳。寵姬殺嫡。國以大亂。惠公。夷懷公。因之。文公。重繼文之業。定襄王於邲。始霸諸侯。子孫爲中國盟主。百五十餘年。襄公。驩靈公。夷成公。黑景公。據世承餘烈。爲故絳八公。周簡王元年。魯成公之六年。景公十五年也。夏四月。遷於新田。傳子厲公。壽至悼公。周立八年之中。九合諸侯。三駕而楚不敢與爭。當斯時也。君明臣忠。六官之長。皆爲民譽。至平公。彪昭公。夷霸圖尙未衰也。頃公。去疾定公。午之世。雖六卿強。公室卑。南北分霸。在姬姓惟晉爲盟主。王室於焉賴之。定之三十二年。魯春秋西狩獲麟之歲。定公子出公。錯立以貞定王十一年。告齊魯。伐四卿。反攻其君。出奔齊。死於道。哀公。敬公。竹書立。考王二年卒。子幽公。柳嗣。反朝於韓趙魏氏。晉獨有絳曲沃。其子烈公。止之十七年。爲周威烈王二十三年。初命晉大夫魏斯趙籍韓虔爲諸侯。此朱子綱目之所以托始也。烈公子孝公。頤立。在位十五年。安王二十四年卒。子靖公。酒俱

史作立二年。綱目書二十六年。三晉共廢其君。俱酒為家人。而分其地。乃史記竹書。俱載孝公。願為晉桓公。其十年。即安王十九年。韓趙魏分晉。封晉君以端氏。二十年為烈王六年。魏惠王與趙成侯韓共侯奪其端氏。遷之屯留。已後更無晉事。較綱目尚多六年。所紀不同。然晉入春秋。紀翼曲沃五十四年。紀故絳八十三年。紀新田一百有五年。綱目距春秋中間七十七年。晉入綱目。紀三君二十八年。晉之在新田也。共二百有十年矣。自成王九年始封。西周歷二百三十七年。東周三百九十五年。立國凡七百三十二年。三十四君焉。是晉之源委也。余修曲沃縣志。故為集經史傳記。以綜其顛末云。

附晉世系歌
 唐翼改晉傳晉武 曲沃成厲靖僖獻
 絳穆殤文昭仍翼 孝鄂哀小晉武篡 故絳武獻惠懷因
 文襄靈成景八見 景厲悼平昭頃定 出哀幽烈孝靖禪
 新田史載十三公 魏趙韓分為爭戰

曲沃名義

張坊

城中有阜。委曲長數里。故名曲阜。河千里一曲。當其陽。故名陽曲。履其地。顧其名。思其義。有由來也。曲沃何以名。名以沃也。爾雅。沃泉。縣出。縣出。下出也。注疏從上溜下。詩。冽彼下泉。則此沃泉也。漢劉熙著釋名。懸出曰沃泉。水從上下。有所灌沃也。與正出濫泉。穴出洸泉。有別。晉國以絳山為宗。絳水出絳山之南。沸湧而東。西北經青玉峽。東流。沃石罅。至白石山。懸而為沃泉。又東折為白水村。九曲而北。入於澮。西流入汾。凡曲沃新田兩都襟帶。皆此沃水之所滌。洞盤旋也。是為曲沃命名之由。其在唐風之詩曰。揚之水。白石鑿鑿。素衣朱襮。從子於沃。箋。沃曲沃。晉之邑也。水經注。澮水又西南與絳水合。謂之白水。非也。水出絳山。東至寒泉。奮湧揚波。北注懸流。奔壑十一許丈。青崖若點黛。素湍如委練。望之極為奇觀矣。其水西北流。注於澮。夫天下名勝。有水斯奇。北方得水尤難。

而沃水山川稱奇絕。景明瀑布。甲於河東郡縣。春秋左傳。桓叔封沃國。樂書食沃邑。皆本於此。而人但以意解之。或曰。曲沃者。以其地在兩山之間。灣曲而饒。故名。或曰。遡太行而西。峭嶒磐礴。無乃石田乎。至沃而始有夷壤。故沃以是得名。或曰。沃。漑也。七十里中。修岡孤阜。平疇上上下下。坦以直者。環以曲者。沃田之受漑者甚少。沃不盡漑。何沃之名。又謂昔地稱沃野。爲沃土之民。歎今土瘠民貧。沃也而不饒矣。雖其文從字訓乎。而顧名思義。終拘牽而無當也矣。夫山川不改。精意常留。爾雅唐詩水經。皆非僻書也。試一詳繹焉。不悠然有會於絳山絳水。白石沃泉間乎。縣志旣成。爲正曲沃名義於篇端。以質之同學。留之邑人。俾共知夫古昔命名之所由來焉。後之君子。窮經稽古。登山涉水。覽斯文也。當不致河漢余言也夫。

曲沃辯

李廷寶

辯曰。今之沃。卽桓叔所封之沃也。彼司馬貞之注史記。顏師古之注漢書。林堯叟之注春秋。皆以爲卽今河東聞喜縣。然乎不然乎。左傳著於邱明。漢書作於班固。未聞其有是說也。獨范燭之作後漢書地理志。而曰聞喜邑本曲沃。三子不察而遂云然。而其實則曲沃非聞喜也。或曰。子以三子之說爲不然。有據邪。曰。有據也。考之於詩。稽之左傳。其可證者有三焉。詩唐風揚之水之篇曰。從子于沃。從子于鵠。解之者曰。沃。曲沃也。鵠。曲沃邑也。今沃南十里。有安鵠村。卽古之鵠也。此其可證者一也。左傳晉獻公二十一年。太子申生奔新城。以其新爲太子城。曲沃。故謂之新城。今曲沃關城之內。晉共世子有祠。祠殿有墓。其來最古。沃之北七里。又有太子灘。其傳最遠。若今之聞喜。則皆無此矣。此其可證者二也。魯成公六年。晉人謀去故絳。韓獻子曰。不如新田。土厚水深。居之不疾。

有汾澮以流其惡。今澮水在沃南二里。汾水在沃西一十八里。故通考以曲沃為春秋時晉所都新田之地。若今之聞喜。則去汾澮也遠矣。此其可證者三也。或曰。必若此言。則漢武帝聞南越破。改聞喜之言。亦不足信乎。予考之一統志云。曲沃秦改為左邑。漢武帝經左邑之桐鄉。聞破南越。因置聞喜縣。今桐鄉在沃之西南四十五里。由是觀之。則漢之聞喜。當在沃境之內。至其後始遷於涑水之南。為今之聞喜耳。今數子以古之曲沃。為今之聞喜也。不亦誤耶。噫。不特此也。師古又謂故曲沃。晉武公自晉陽徙此。晉書亦傳襲之。而弗察其謬。而不知自晉陽徙曲沃者。晉成侯也。又五世而至穆侯。則徙於絳。又二世而至昭侯。則徙於翼。昭侯封桓叔於曲沃。又二世而至武公。則滅翼。又一世而至獻公。則徙於絳。又六世而至景公。則徙於新田。今以武公為徙曲沃也。則又差之遠矣。孟子曰。盡信書。則不如無書。予因數子之誤。作曲沃辯。

聞喜曲沃辯

明進士大李汝寬在澗
理評事

舊志今之聞喜。古曲沃也。今之曲沃。古新田也。何以知之。按史記。晉昭侯封文侯弟成師於曲沃。註索隱曰。河東之縣名。漢武帝改曰聞喜也。蓋曲沃改桐鄉。桐鄉改聞喜。此不及桐鄉。省文耳。晉語。驪姬請使申生處曲沃。以速縣。韋昭解曰。曲沃。晉宗邑。今河東聞喜是也。春秋魯襄公二十三年。晉欒盈入於曲沃。林堯叟註曰。曲沃在河東聞喜縣。前漢地理志。河東郡縣二十四。有聞喜。註曰。故曲沃。後漢郡國志曰。聞喜邑。本曲沃。晉地理志曰。聞喜故曲沃。文選潘岳笙賦曰。河汾之寶。有曲沃之懸匏焉。註引漢書曰。河東郡聞喜縣。故曲沃也。綱目集覽曰。聞喜本絳州曲沃縣。漢武帝改聞喜。此非聞喜古曲沃之證乎。魯成公六年。晉遷於新田。曰。有汾澮以流其惡。至後魏始置曲沃縣。亦猶武帝改修武為獲嘉。其後又另置一修武也。今曲沃人識其邑里。皆曰新田郡。而汾澮二水。

見在其境內。曲沃志亦曰。卽春秋晉新田地。此非今曲沃古新田之證乎。或曰。詩傳旣曰。唐侯子燮。改國號曰晉。後徙曲沃。則曲沃卽晉都矣。又曰。昭侯封成師於曲沃。豈其以都邑而封成師乎。曰。史不云乎。曲沃邑大於翼翼。晉君都邑也。蓋是時。晉自曲沃遷都於翼。而以其故都曲沃封成師。是爲桓叔也。其後桓叔之孫武公。卒滅晉而代爲諸侯。仍都曲沃。至其子獻公。始都絳。卽今絳州也。至景公。復自絳遷於新田。復命新田爲絳。而以故都之絳爲故絳。山西新通志。於曲沃絳縣。皆曰。春秋晉都新田地。誠是也。至漢始以絳爲絳縣。未有曲沃也。至後魏。始置曲沃縣。卽析絳縣地而置之也。知此則三縣之沿革甚明。而曲沃之新志多誤矣。沃人李廷寶撰志。謂成公六年。晉人謀去故絳。韓獻子曰。不如新田。土厚水深。居之不疾。有汾澮以流其惡。今澮水在沃南二里。汾水在沃西一十八里。故通考以曲沃爲晉所都新田之地。若今之聞喜。則去汾澮遠矣。寶之此証。謂今曲沃卽古新田則是矣。以証今之沃爲桓叔所封之沃。則非也。何者。桓叔所封之沃。乃古曲沃也。旣以今之沃爲新田。又以爲古沃。豈以新田古沃爲一地乎。如其一地也。則晉人謀去故絳。當云復都曲沃。何以言遷於新田也。况故都之水土。晉人豈不知之。而必待獻子熟計之乎。寶以通考之沃爲古沃。不惟失馬氏之意。且自爲矛盾甚矣。他証多類此。要不俟乎余之贅也。

書質

原文明白確當註疏多相沿襲

詩經從子于沃漢貫長卿傳。沃曲沃也。從子于鵠傳。鵠曲沃邑也。唐孔穎達正義晉封桓叔

於曲沃非獨一邑而已。其都在曲沃。其傍更有邑。故云曲沃邑也。毛萇序昭公分國以封

沃漢鄭元箋封沃者。封叔父桓叔於沃也。沃。曲沃。晉之邑也。正義。此邑本名曲沃。序單言沃。則既封之後。謂之沃

國。故云沃。曲沃也。地理志。河東聞喜縣。故曲沃也。武帝元鼎六年。行過。更名。應劭曰。武帝於此聞南越破。改曰聞喜。

春秋襄公二十三年欒盈復入於晉入於曲沃宋林堯叟註。曲沃在河東聞喜縣。

國語晉語驪姬請使申生處曲沃以速縣吳韋昭解。曲沃。晉宗邑。今河東聞喜是也。

左傳隱公五年曲沃莊伯以鄭人邢人伐翼晉杜預註。曲沃。晉別封成師之邑。在河東

聞喜縣。唐孔穎達疏正義。爨父孫成侯。徙都曲沃。今河東東聞喜縣是也。亦引漢書地理志註以明之。

史記晉世家昭侯元年封文侯弟成師於曲沃唐司馬貞索隱曰。曲沃。河東之

縣名。漢武帝改曰聞喜也。曲沃邑大於翼翼本晉都。在平陽絳邑縣東。自孝侯已下。一號翼侯。

漢書武帝紀將幸緱氏至左邑桐鄉唐顏師古註。左邑。河東之縣也。桐鄉。其鄉名也。

聞南越破以為聞喜縣春至汲新中鄉師古曰。汲。河內縣。新中。其鄉名也。得

呂嘉首以為獲嘉縣

地理志 河東郡秦置。莽曰兆陽。有根倉涇倉。縣二十四左邑莽曰。兆亭。聞喜

故曲沃。晉武公自晉陽徙此。武帝元鼎六年行過。更名。應劭曰。今曲沃也。秦改為左邑。武帝於此聞南越破。改曰聞

喜。平陽。韓武子元孫貞子居此。有鐵官。莽曰。絳。晉武公自

有鐵官。應劭曰。襄陵。有班氏鄉亭。莽曰。幹昌。應劭曰。襄陵。絳水出西南。襄陵在西北。師古曰。晉襄公之陵。因以名

縣。臨汾

後漢書

郡國志

河東郡

唐章懷太子李賢註。秦置。雒陽西北五百里。博物記曰。有山澤。近鹽。沃土

之民不才。漢興少名人。聞喜邑。

博物記曰。縣治涑之川。史

記曰。伐韓到乾河。郭璞曰。

縣東北有乾河口。但有故溝處。無復水。左傳曰。僖三十一年。晉蒐清源。杜預曰。在縣北。

本曲沃

在縣

東北數里。與晉相去六七百里。見毛詩譜註。

絳邑

縣西有絳邑城。襄陵。晉地道杜預曰。故絳也。記曰。晉

武公曲沃徙此。

臨汾

博物記曰。有賈鄉。賈伯邑。

晉書

地理志

平陽郡襄陵

公國

絳邑

晉武公自曲沃徙此。

臨汾

公國

河東郡聞喜

故曲沃。晉武公自晉陽徙此。

北魏書

地形志

東雍州

郡正平郡

故南太平。太和置。領二縣。

曲沃

太和十一年置。

晉州

領郡十二

北絳郡

縣二

北絳

太和置

南絳郡

縣二。治會交川。

南絳

太和置

隋書

地理志

絳郡

縣八。曲沃

後周置。建德六年廢。有絳山橋山。

唐書

地理志

絳州

縣七。正平。太平。曲沃。翼城。絳。聞喜。垣。府三十三。曲沃有新田神泉兩折衝府。皆

設都尉

曲沃

望。東北三十五里。有新絳渠。永徽元年。令崔翳引古堆水。溉田百餘頃。南十三里。山有銅。

五代史

職方考

絳州

曲沃屬焉。梁有唐。有晉。有漢。有周。有

宋史

地理志

絳州雄絳郡防禦

縣七。曲沃

望

金史

地理志

絳州

縣八。曲沃

劇。有絳山絳水。汾水澮水。鎮二。柴村九王。

元史

地理志

絳州

隸平陽路。縣七。

曲沃

下

明史

地理志

平陽府

領州縣三十四

曲沃

南有紫金山。產銅。北有橋山。西有汾水。西南有澮水。入汾。

水經涑水出河東聞喜縣東山黍葭谷

北魏酈道元注涑水所出俗謂之華谷至

周陽與洮水合水源東出清野山世人以為清襄山也其水東大嶺下西流出謂之哈口又西合涑水司馬彪曰洮

水出聞喜縣故王莽以縣為洮亭也然則涑水殆亦洮水之兼稱乎又西過周陽邑南其城南臨

涑水北倚山原涑水又與景水合水出景山北谷西北流注于涑水也又西南過其縣南

又西逕仲邨鄒北又西逕桐鄉城北漢書曰漢武帝元鼎六年將幸緱氏至左邑桐鄉聞南越破以為聞喜縣者也

涑水又西與沙渠水合水出東南近川西北流注于涑水涑水又西南逕左邑縣故南城故曲沃也晉武公自晉陽

徙此秦改為左邑縣詩所謂從子于鵠者也春秋傳曰下國有宗廟謂之國在絳曰下國矣即新城也王莽之洮亭

也涑水自城西注水流急濬輕津無緩故詩人以為激揚之水言不能流移束薪耳水側即狐突遇申生處也涑水

又西逕王官城北左傳入我河曲伐我涑川俘我王官今世人猶謂其城曰王城也又西南過安邑

縣西

安邑禹都也春秋時魏絳自魏徙此秦始皇使左更白起取安邑置河東郡王莽改名洮陽縣曰河東也

又南過解縣東又西南注於張陽池

曲沃縣志

曲沃秦改為左邑屬河東郡漢初制如秦新莽改為兆亭東漢為絳邑屬河東郡西晉屬平陽郡隸

司州後魏復曲沃屬正平郡隸東雍州

平陽府

舊志曲沃晉昭侯封成師春秋新城秦改左邑東漢絳邑縣後魏置曲沃縣新志曲沃晉新田地後屬

魏秦為左邑屬河東郡漢為河東郡絳縣地東漢加一邑字為絳邑縣晉改晉邑屬平陽郡南北朝魏置曲沃縣

山西通志

曲沃周屬晉漢河東郡絳縣地東漢絳邑縣地晉隸平陽北魏太和十一年始置曲沃縣屬正平郡

明一統志

晉封成師於沃漢為河東郡絳縣地後魏始置曲沃後周移治樂昌堡又移治絳邑故城北即今治

大清一統志

春秋晉新田亦曰新絳漢置絳縣屬河東郡後漢絳邑縣晉改屬平陽郡後省後魏改置曲沃縣後因之

史記晉獻公八年王為說公盡殺故晉之羣公子而城聚都之命曰絳始都絳。

史記晉獻公十年公有意廢太子乃曰曲沃吾先祖宗廟所在於是使太子申生居曲沃。

左傳晉獻公十六年為太子申生城曲沃即新城。

史記晉獻公二十二年驪姬謂太子君夢見齊姜速祭曲沃太子祭其母齊姜於曲沃。

薦昨姬置毒公怒太子聞之奔新城十二月戊申申生自殺於新城。

國語申生乃維經於新城之廟廟在今治西南。

水經澮水出河東絳縣東澮交東高山西過其縣南注春秋成公元年晉悼公謀去故絳魏獻子曰不如新田土厚水深有汾澮以流其惡遂居新田又謂之絳即絳陽也蓋在絳澮之間按注訛景公為悼公六年為元年韓獻為魏獻也。

詩唐風揚之水白石巖巖素衣朱襮從子于沃素衣朱繡從子于鵠水經注沃鵠皆在開喜揚之水謂涼水擊揚不流東薪誤東入海引鄭風以注涼水矣。

左傳莊公二十五年晉士蒍使羣公子襲游氏之聚於城聚而處之晉侯圍聚使殺羣公子。



南

晉惠公元年改葬恭太子申生墓在廟中。

史記二月壬寅重耳入於晉師丙午入於曲沃丁未朝於武宮。

春秋栾盈復入於晉入於曲沃公羊傳曲沃者何晉之邑也其言入於晉入於曲沃者何栾盈將入於晉晉人不納由乎曲沃而入也。

史記平公八年齊莊公微遣栾盈於曲沃以兵隨之齊兵上太行栾盈從曲沃中反襲入絳不戒范獻子以其徒擊之盈敗走死於曲沃遂滅栾氏宗史記避諱作逞。

考

曲沃故地新田遺址經史原自昭明特後人為注疏所誤遂致訛以傳訛讀經史者舍注疏而詳玩自得真詮今質經史註疏於書考山川都邑於圖則聞書之非故曲沃不辨自明。

水經注汾水西逕虎祁宮北橫水有故梁截汾水中凡有三十柱徑五尺裁與水平蓋晉平公之故梁也。

黃河來

曲沃徵

張坊

今之沃猶古之沃也。亦何分於今古哉。新城爲太子城。城乃今縣治。故城在縣治西南二里。至今遺址宛然。是卽晉成侯所徙之都。桓叔所封之國也。絳山不改。沃水常懸。祖宗諸陵之魂魄。新城世子之英靈。千年如在。呼之可卽出也。况其見於毛詩春秋國語左傳史記前漢書者。原有一一確証。何嘗有在今聞喜之疑據。及聞喜爲今曲沃之明文也。耶。蓋嘗詳繹經史。流覽形勢。置身千載之上。縱目三晉之中。爲之推求其故。一由於諸書註曲沃之錯會漢書也。一由於諸書註新田之游移絳縣也。後人之讀書也。皆統註疏以觀經史。卽就註疏以注經史。而未嘗舍註疏以玩經史之原文也。學者非五經四子之書不讀。非先秦兩漢之書不閱。太史公周行天下。歷覽四海名山大川。始紬史記石室金縢之書。其考之也真。其見之也廣。故能著書立說。以信今而傳後。獨奈何不出

戶庭。不探中秘。第就漢魏六朝以相轉注也哉。秦分天下爲三十六郡。曲沃屬絳縣。隸河東郡。縣名左邑。故城在涑水西南。與曲沃中隔絳山。分汾澮洮涑兩川原也。漢書武帝紀。元鼎六年。將幸緱氏。至左邑桐鄉。聞南越破。以爲聞喜縣。春至汲新中鄉。得呂嘉首。以爲獲嘉縣。地理志。河東郡縣二十四。左邑聞喜絳并列焉。乃漢末汝陽應劭集解。聞喜今曲沃也。秦改爲左邑。漢武帝於此。聞南越破。改曰聞喜。是班氏原云。以左邑之桐鄉爲聞喜縣也。非改左邑爲聞喜縣也。奈何遂并今曲沃亦解爲聞喜也。如左邑縣并改爲聞喜縣。是汲縣亦應改爲獲嘉縣矣。又何以絳左聞喜并列爲縣也。是成何註法耶。然自應解一行。後儒不察。皆墨守而恪遵之。一本錯。則千本俱錯。由是吳之韋昭。本之解國語矣。晉之杜預。本之註左傳矣。劉宋林堯叟。本之註春秋矣。范氏本之作後漢書矣。北魏酈道元。本之註桑欽水經矣。唐之孔穎達。司馬貞。顏

師古本之正義毛詩索隱史記注前漢書矣。降而兩宋不能更易其說。况其後焉者乎。夫未嘗親歷其地。又憚於搜羅考辯。詮解今古大部頭書。不能慎重闕疑。徒閉戶秉筆。依樣傳訛。而寰宇一統。通府縣志。互相解釋。無怪其相沿千載也矣。二百餘年之勝地。精華盡洩。鬱結都宣。霸圖其消歇矣。迨三晉紛爭。七雄交戰。兵燹百劫。簡冊悉成灰燼。陵塋鞠爲茂草。遂致漢興兩都。少有名人大衣冠。從而識焉者也。卽霸國遺文。尚賴東魯之大聖大賢。一經三傳。大書而特傳之。至今之書法謹嚴。文章典重。含英咀華。膾炙人口者。伊誰之力也耶。而當年城郭都鄙。自晉以來。無復有人焉考其地而切註之。曰新田。本古絳縣。卽絳邑縣地。今何地爲絳邑縣故墟也。將兩都混而爲一。珥筆者每從而疑之。逡巡而莫能下。縱有名賢臨文註釋。雖明知其爲曲沃。將何地以處新田。含毫千里。皆窘步而棘手矣。然生斯土者。尙爾傳訛。見之古者。又有明

詮。故其勢不得不將曲沃一地分而爲二。以古曲沃歸聞喜。而以今曲沃爲新田也。豈知聖人修史。晉沃原分兩地。曰欒。盈復入於晉。入於曲沃。公羊。由乎曲沃而入也。左氏作傳。底本得之最確。曰土厚水深。有汾澮以流其惡。且民從教。十世之利也。猶留之典籍。以待後人。俾千載之秘。終於昭雪。聖賢之功。千古不磨。萬世爲烈矣。夫與其勦襲陳言。曷不披閱經史。縱覽形勝。以徐觀焉而自得之。今於經史原文。識得新田真地。則從曲沃下國。以望唐翼。晉水。故絳。新絳。粲若列星。瞭如指掌。而晉之爲晉。沃之爲沃。應不待辯而自明也。自非然者。坐新城。撫故都。沃泉懸。鵠邑拱。絳山猶峙。澮水常流。祖宗夫人之陵寢尙存。世子申生之廟墓如故。而成厲靖。僖獻。五世之徙都。桓叔。莊伯。武公之封國。寧悉遷之。桐鄉之野。洮洑之濱耶。沃何分於今古哉。去千年之障翳。開萬古之羣蒙。是在善讀書者之自領之而已矣。

新田徵

張坊

春秋左傳魯成公六年。晉景公十五年。夏四月丁丑。晉遷於新田。是為新絳。二百有九年之晉國在是。景厲。悼平。昭。頃。定。七公之春秋在是。出哀。幽。烈。孝。靖。六朝之共主在是。欒。郤。士。荀。知。魏。趙。韓。名卿大夫之功烈在是。是必確有其地者在。當不徒與曲沃故都兩地而同為一地也。余往來閱歷。多有年所矣。迨量移來沃。以素所學。徵之所見。意確有其地。欲實指其墟。而遺老無存。文獻無徵。上下千年。縱橫百里。漠然徒見山高而水清。乃為稽之邑。乘劉生魯縣志則曰。王官城縣西南二里。又號晉城。景公徙居新田。即此。引通考云。曲沃。春秋時晉所都新田之地。趙復沃史則曰。曲沃。古未之著也。自昭侯封成師而沃著。曲沃之名始此。猶之一同也。獻公欲遠世子而城之。由城得新。乃署新城。或曰新田。亦猶是也。潘錦縣志則曰。晉昭侯封成師於曲沃。獻公去沃都絳。使太子申生居焉。遂為之城。號曰新城。即新田也。景公還都新田。復為考之。府通一統。而平陽府志。山西通志。明一統志。皆云。王官城在曲沃西南二里。左傳。晉人去故絳。徙新田。謂之新絳。即此。

大清一統志云。絳邑故城。在曲沃西南。晉新田地。景公遷都於此。亦謂之新絳。引左傳。水經注。以明之。又引舊志。南對紫金山。有中城外城。其南為澮水衝沒。東西北遺址尚存。暨括地志。漢絳縣本晉都新田。在絳州曲沃縣南二里。因絳山為名。考之元和志。肇域記。寰宇記。亦同。又以古曲沃為今聞喜。証之左國史記。兩漢晉書之註疏。今之曲沃。則古之新田也。証之魏王泰括地志。而闕文獻通考。杜氏通典。以今之曲沃為春秋曲沃邑之為非是。諸說雜陳。毫無定見。乃知下有建白。斯上有修明。近代著述。編輯了事。館局憑何採入耶。及閱聞喜李汝寬駁沃人李廷寶曲沃辯云。寶謂汾澮二水。在沃西南。今聞喜之去汾澮也遠矣。以今曲沃為古新田。則是矣。至桓

叔所封。乃古曲沃也。既以今之沃爲新田。而又以爲古沃。豈以新田古沃爲一地乎。如其一地也。則晉人謀去故絳。當云復都曲沃。何以言遷於新田也耶。旨哉斯言也。吾因之而轉覺向所見之不謬。而二李之辯。皆是也。而皆非也矣。夫韓獻子曰。不如新田。土厚水深。有汾澮以流其惡。若夫曲沃。其去汾水也亦遠矣。烏能流其惡耶。必也。其在今侯馬驛之間乎。地在二水之交。去曲沃三十餘里。土厚水深。背汾面澮。交流其惡。其無疑者一。地去晉平公虎祁宮十里。禾黍高低。爲故國離宮。其無疑者二。地去汾水故梁十三里。水柱參差。爲遊觀津梁。其無疑者三。春秋欒盈復入於晉。入於曲沃。傳齊兵上太行。張武軍於熒庭。平公烝於曲沃。警守而下。會於溴梁。道里適便。其無疑者四。水經澮水又西南過虎祁宮南。注宮在新田。其宮地面背二水。西則兩川之交會也。汾水又屈從縣西南流。注水經絳縣故城北。又經虎祁宮北。橫水有故梁。

蓋晉平公之故梁也。其無疑者五。晉書絳邑縣隸平陽郡。卽漢絳縣治也。晉初杜預註左傳。新田。今平陽絳邑縣是。其無疑者六。唐書絳州有新田府。設折衝都尉。雄兵鎮衛。江王孫李希悅曾駐其地。其無疑者七。况川原平行。千里大會。連城接雉。宛然故都。表裏河山。依稀霸國。其無疑者八。朝代雖分。今古山川。仍留故地。此非其昭然可據者哉。彼拘守古曲沃之在聞喜。李汝寬不讀經史。原文誤之也。牽合新田之在曲沃。李廷寶不覽山川形勢。誤之也。直指曲沃古城爲王城。爲絳邑。爲新田。前志鈔襲建置沿革。誤之也。眼前勝地。千載晦跡。一經指出。而百有五年之春秋。百有四年之史記。綱目。列國君公名卿大夫之朝會盟聘。圍伐滅入。孔子筆之於經。邱明公穀發明於傳。司馬朱子記書於史。至今猶想見其處。古人云。讀萬卷書。行萬里路。始可著書。願與同事諸君。六轡沃若。兩驂雁行。以參互而考訂焉。將疑義與析。欣賞共之也。

曲沃縣地表

上古

唐

虞

夏

商

周

東周

秦

在臺駘汾川封境

在冀州之屬冀州在屬冀州在屬冀州

在屬冀州在屬冀州在屬冀州

在屬冀州在屬冀州在屬冀州

在屬冀州在屬冀州在屬冀州

在屬冀州在屬冀州在屬冀州

在屬冀州在屬冀州在屬冀州

在屬冀州在屬冀州在屬冀州

陽二百里舜都蒲東禹都安邑豕韋復承晉

納銜之地粟之凡納結之國于唐為周成王九年

堯封實沈四十八載凡納結之國于唐為周成王九年

于大夏曲四十八載凡納結之國于唐為周成王九年

沃在其封境凡納結之國于唐為周成王九年

載凡納結之國于唐為周成王九年

禹封彭祖十有窮凡七舊都邑屬位羿泥據四祀

之孫元哲于韋是為豕韋曲沃在其封境

凡三百五十二年起于絳侯晉遷于新田

幽烈孝靖十三年為魏趙韓凡

年四百五十七年魏六十六年

曲沃絳縣屬魏六十六年

本朝

曲沃縣
屬平陽府
順治元年
入版圖
乾隆二十
一年奉
旨改還蒙城
驛于太平
縣之史村

新修曲沃縣志卷之四

疆域

知縣 張坊 纂輯

古者五等封建。授地各有差。周禮職方掌天下之圖。辨天下之地。以周知邦國都鄙要害。形方一官。制邦國之地域。而正其封疆。自兼并起。郡縣裂。方百里。方數十里。各因形勢。或分以山。或界以水。王土王民。稍為區別。平紛爭。一統屬也。曲沃古侯國。厥後隸平陽。隸絳州。改置不同。土地自若。宋絳守李復。因曲翼兩縣。互爭水利之各子其民。而許訟無休也。請以北樊三村。易翼之溫泉十村。以平其爭。七百餘年之利澤。不源遠而流長哉。今疆域久定。袤斜廣隘。表而出焉。俾知邑之東鄰翼。西界汾。南朔東以太行。方七十里。由來舊矣。志疆域

廣七十里。

袤七十里。

東至翼城縣下陽村界三十里。由縣至翼城縣治五十里。

西至絳州狄莊村界五十里。由縣至絳州治六十里。

南至絳縣高池界二十里。由縣至絳縣治五十里。

北至襄陵縣陶寺村界七十里。由縣至襄陵縣治一百里。

東北至翼城縣續村界四十五里。由縣至浮山縣治一百二

十里。

東南至絳縣南樊鎮界三十里。由縣至垣曲縣治一百八十

里。中隔翼絳二縣境。不與垣曲接界。

西南至聞喜縣槐林村界五十里。由縣至聞喜縣治一百二

十里。

西北至太平縣蒙院村四十三里。由縣至太平縣治六十里。

北至平陽府一百二十里。

北至山西太原省城七百二十里。

東北至

京師一千九百二十里。

大陸路一

燕趙秦蜀通衢

自縣屬蒙城鎮五里至敬村鋪。五里至北辛店鋪。五里至逢

王鋪。五里至高縣鎮。五里至金釵鋪。五里至楊村。五里至

南秦舖。五里至郭馬村。五里至西莊舖。五里至侯馬鎮。五里至上馬舖。五里至史店。五里至金溝橋。五里至隘口鎮。六十里至聞喜縣。

小陸路四

自縣治東五里至馬莊。三里至常安莊。二里至西楊村。一里至東楊村。四里至辛村。十里至秦崗鎮。二十五里至翼城縣。

自縣治南十里至交里村。十里至任莊舖。三十里至絳縣。自縣治西南五里至鳳城。五里至林城。五里至喬村舖。五里至秦村。十里至侯馬鎮。二十里至隘口鎮。六十里至聞喜

縣

自縣治西十五里至東莊。五里至北西莊。十里至辛店。十里至臺神。五里至張王村。十里至絳州。

汾河小路

自縣屬趙莊二十五里至小李村渡。民小船一隻。七里至褚村渡。民小船一隻。一里至北平望渡。民小船一隻。五里至臺神渡。民小船一隻。共船四隻。俱係民置。民修。水手並無工食。

自規方畫野。肇於禹貢。三代封建。遂各有分土。周東遷。晉昭侯封桓叔於曲沃。按其幅員。僅在子男之列。然都鄙溝洫。具在。版章利害所在。固職方所周知。而亦形方氏正其方域使

不至於華離者也。知縣潘錦原敘

新修曲沃縣志卷之五

形勝

知縣 張 坊 纂輯

稱晉國之雄峻。必曰南有三門八陁。北有清涼管涔。其餘諸山。孩視而已。然沃之險。蒙阮鐵嶺足據也。沃之峻。東陁絳山足恃也。三面距太行。而登彼崇山。聳如戟峙。拱如笋束矣。汾澮天井。滌滌數川。分流合注。駛如馬奔。淨如練澄矣。夫川嶽有靈。往往待人而顯。永嘉郡海隅。探幽必往焉。吟詠有康樂也。柳州地蠻瘴。選勝必及之。品題自河東也。况沃爲古侯國。若使得康樂河東其人。朝遊而夕記之。則事在跡留。曲沃新田之風景。聿昭山川可以不恨。更增列十景於後。覽雲物以壯河山也。志形勝

表裏山河 左傳

被山帶河天下要地 三國志

介兩河間據山川之勝 一統志

前紫岫後橋峯澮水橫其襟汾流引其帶山川盤結風氣攸

鍾 府志

北倚蒙阮之險南接步坑之固左據太行之麓右跨鐵嶺之

關 劉志

曲沃多懸崖道路亦狹而盤紆故曰曲 巡視河東記

關扼鐵嶺之雄險分蒙阮之固背橋面絳阻澮控汾天府雄

風三晉重地

附十景

沃國春光 在縣西南二里。舊名晉城春色。卽西周晉成侯

所徙五傳侯國。昭侯封桓叔於曲沃。居歷三世。號爲沃國。

卽此。晉遷故絳。賜欒氏爲食邑。有中城外城。東西北三面

遺址宛然。其城東接韓村。西抵林城。面對絳山。下臨澮水。

極爲奇觀。每歲清明。上巳。天桃弱柳。社鼓餽簫。風景不殊。

南國都人士女。寶馬香車。踵相接也。乾隆戊寅。東西韓香

關。國學韓璜。韓楷。張河。張琮。楊宗震。李芝惠。築臺建亭。種

花勒刻於其城。以供遊人詠觴。 俗清明。在官人皆聚于此。名公族會。

新田秋色 在縣西南三十里。左傳魯成公六年。晉遷於新

田。又號新絳。卽其地也。絳山爲屏。峨嵋列峙。澮繞其前。汾環於右。秋深之際。煙光凝。暮山紫。丹柿紅葉。如錦如霞。登高遠眺。覺霸國雄圖。儼然遇諸蒼茫翠靄之間。薛文清詩有云。孟秋雨霽到新田。綠樹人家斷復連。汾澮波光晴映日。絳橋山色曉參天。乾隆戊寅。知縣張坊。特指示其地於衆。邑歲貢宋郭賈益。侯馬郭秉孝。愛其跡。因建札說亭。勒碑懸額於澮水之上。故國河山。流覽不盡矣。

景明瀑布 在縣東南二十里。絳水自絳縣蜿蜒而來。經青玉峽。峽中怪石參差。立者卧者。欹伏而蹲踞者。水行其間。怒激迅奔。臨懸崖而下墜。卽沃泉也。水經注云。青崖若點

黛。素湍如委練。望之極爲奇觀。知縣張坊。見水勢傾斜。引工鑿之。平鋪水流。直如廬山瀑布。邑進士劉樸和詞云。別開生面煥文章。留得箇雲山瀑布。泉北有白石園。爲明白石山人李鑛棲隱處。中有白石樓。五松亭。西則杏塢樓。後爲賈中丞別墅。橋西新建沃泉亭。碑載曲沃名義之由。星海溫泉 在縣東北三十里。俗名七星海。以泉有七也。渟泓漚瀦爲巨池。廣逾數畝。中產紅蓮。舊名龍廟蓮潭。有亭翼然臨其上。四圍竹木蓊葱。微風一過。清波皺紋。漣漪可愛。其水常溫。至冬轉甚。亭上望之。氣鬱如蒸。令遊者作驪山湯泉想。地脈之奇。真不測也。前爲八卦海。以池八面方

砌也。泉流下溉二十一村地。凡數千畝。舊引入縣學宮泮池。久廢。知縣張坊爲復其舊。

濟溪印月 在縣南五里澮水之南。濟溪出絳山麓深井間。舊傳有梅月映其中。後建亭覆其上。而井中所見惟屋。并無月也。知縣張坊於亭脊上命工露其顛。月色中天。可印水中矣。亭下刻石爲龍首形。泉從口出。漚而爲池。方廣十數丈。澄澈無纖塵。下視遊鱗。歷歷可數。四圍奇峯突兀。峭壁如削。水光月色。更相輝映。昔人詩云。潭水寒生月。松風夜帶秋。一似爲此處寫照。

汾隰流雲 在縣西北四十里汾曲之上。汾水自北南流入縣封王境。會天井水。忽自汾陰折而西流。歷南北莊。大小李。至褚村。凡十數里。一曲南流。水如帶繞。盤旋潑洞。夾岸榆棗葱蘢。雜植蔭翳。春夏之交。川湧流漲。舟檣上下。絳太山巒塔影城雉。烟雲迷離。瞬息萬狀。明薛瑄詩。汾隰漲消秋色淡。虎祁宮老夕陽明。蓋謂此也。知縣張坊因公過褚村。平望間登高阜。適當被汾一曲。近撫絳橋。遠望太行姑射。憑眺流連。歲貢褚楷。褚士煜。褚肇經。劉成壁。趙玠。房翠環。因築臺建環汾閣。題額勒石。以供名流賞玩。

絳山晚照 縣境山之在南者。曰紫金。曰冰岩。曰觀音。曰峨眉。名因峯別。實皆絳山也。其西南峯巒。草木不生而色赤。

當夕日西沉。晚烟欲合。仰視峯頂。餘霞殘照。猶晃晃留壁間。浮圖立雲中。俗名無影塔。舊有寺。今圯。邑人因二卿詩有云。歸僧爲認山中塔。道是金身現遠空。又耿純句。薄影射時雲欲散。微光照處鳥將棲。其山下爲鬪龍溝。知縣張坊。以左傳龍見絳郊卽其地。因易名見龍溝。中有邑人行有條花園。因覆亭絳山之上。以名其勝。

橋嶽晴嵐 在縣北四十里。卽橋山中峯也。峯前山脚有廟。土人呼爲下廟。從廟下取徑直上。山勢截然中斷。上建黃帝宮。殿瓦皆鐵。山多栢。環生石隙中。青碧萬狀。望之鬱鬱然。天將雨。有片雲倚殿。輒甘霖隨之。每山雨初過。新霽乍

開。下視山村田塍。散渙夷陸。蒼煙瀰漫。若斷若連。而千峯萬壑。青翠如洗。嵐光欲流。元人靳榮詩云。嵐氣滿山晴樹濕。翠光凌漢午風寒。

晉殿懸冰 卽絳山冰巖也。西爲觀音峯。巒迴谷幽。泉出半山。流被石崖。冬則凝而成冰。山陰沍寒。日光不及。雖至春夏。而堅冰積雪。固結不散。晉都澮水之北。沃城宮殿。正與巖對。遙望如玉屏拱列。天半高懸。又如姑射神人。肌膚冰雪可念。卽盛夏觀之。猶覺清冷逼人。靳榮有詩曰。遠映朝衣環珮冷。正當黼座冕旒明。與前詩寫景。俱爲最肖。邑生監衛居敬久敬。卽建亭於蟋蟀堂前。以憑眺賞玩。

神陂落雁 在縣北十里。俗名太子灘。舊自神泉村注水其間。滙而為湖。今涸。地平坦。四望寥廓。每秋風西來。蘆荻蕭蕭。露冷霜飛。羣雁恒集於此。相傳晉太子泛舟此地而沒。灘旁十二村建廟傷之。配以荀息里克。後人去里克而獨祀荀息。并所事之奚齊卓子焉。前趙鄭二令。以俱屬不經。卽繪祀恭世子申生。然香火久寢廢矣。廟之東。廠曠空洞。北瞻橋嶽。南眺絳山。知縣張坊。偶一登臨。輒不忍舍去。十二村遂復修其廟。築臺覆亭。當旭日出沒。紅輪昇降。如臨望日亭閣。為美景第一。又寅午酉三時。四野地氣薰蒸。浩瀚汪洋。如秋天銀河。大地長江。縹緲無際。帶繞周遭。太行

橋絳之表。天井汾澮之中。覺別有一天地焉。

增修四景捐地姓氏

山川來自東方。岡巒環少西面。添修四景。以補偏虧。非以侈呈遊觀。實則培植風水。然景物易壞。看守需人。欲備資生。詳載租息。

沃國春光 圍垣內地共一畝五分三釐四毫。糧銀一錢六分三釐。王郭氏捐一畝二釐四毫。糧銀一錢九釐。韓

素俞捐三分四釐。糧銀三分六釐。郭嶠捐一分二釐七毫。糧銀一分三釐。張五老戶捐四釐五絲。糧銀五釐。

外分撥十王院官地二十畝。糧銀二兩一錢二分二釐。五共糧銀二兩二錢八分五釐。

係東西韓香關安吉楊村城小林城鳳城七村。經營修理。新田秋色 圍垣內地共二畝八釐五毫八絲。糧銀二錢二分

分一釐。弟清捐五分六釐二毫三絲。糧銀六分一釐。僧性

聰捐一畝五分一釐三絲。糧銀一錢六分一釐。外侯馬東門外官地。兌弟清地九畝四釐五毫二絲。糧銀

九錢五分九釐。又東門存官地一十四畝八分八釐二毫。糧銀一兩二錢二分一釐。三共糧銀二兩四錢一釐。係名賢會經營。歲清明重九。讌集。營運修理。

神陂落雁

在太子廟左。圍垣內地共二畝。糧銀二錢一分

二釐。荀大興捐四分六釐。荀鏗捐二分三釐。荀槐

捐二分三釐。荀權捐二分八釐六毫。荀棟捐二分三

釐。張振遠捐五分六釐四毫。錢糧前後俱勒廟碑。

太子廟前。捐地二十畝九分六釐三毫七絲五忽。共糧銀

二兩二錢二分四釐。東張寨蓋日成捐二畝五分。蓋

紹周捐二畝五分。安居村柴成周捐八分二釐三毫。

柴維捐八分二釐五毫。荀王村荀權捐二畝九分二毫。

李芳捐二畝二分九釐。許入倫捐一畝二分七釐。

荀蕡捐一畝八分七釐。張安娃捐一畝七分二釐四毫。

荀大興捐一畝四分二釐。荀環捐七分一釐一毫。

荀棟捐地七分一釐一毫。荀鈍鈍捐地七分一釐一毫。

張倉娃捐七分。二宗共糧銀二兩四錢三分六釐。

係東社上下太許張莊南社席村安居北社荀王北鄭林

節西社東西坡裏三張寨十二村神會銀修理。

汾隰流雲圍垣內地一畝五分一釐二毫五絲。共糧銀一

錢六分一釐。北平望褚寬捐一分糧銀一分一釐。褚

村元風觀捐一畝一分六釐七毫糧銀一錢二分四釐。

買北平望楊繼曾地二分四釐糧銀二分六釐。

外南庄米中義妻郭氏無嗣。義捐郭丕琳。抵還河南涅陽

鎮。本銀三百兩。

又米郭氏。捐郭馬郭思仁房屋十間。每年房租銀六兩。

係褚村南北平望三村會首。經營修理。

沃南北皆山也。南山之北不六七里而遙。有水曰澮。北山

之南。不二十里而遙。有水曰合。澮之南。合之北。其邱轟然

以高。其壑窈然以深。各抗厥勢以接於山。而澮之北。合之

南。東南澮高山。東北覆釜堆。峻嶒離立。輪囷蓬勃。踰翼以

達於沃。七十里中。修岡孤阜。平疇高高下下。坦以直者。環

以曲者。蹙之隘而行之敞者。皆兩水束焉而西。西復滙以

汾。蓋嘗周覽四境。竊思晉國繼霸。主盟中夏者數世。雖曰

人謀。豈非地利哉。知縣潘錦原敘

新修曲沃縣志卷之六

山川

知縣 張 坊 纂輯

唐一行分南北爲兩紀。中國爲三條。其山嶽河瀆。脈絡起伏。可數焉。莊子稱名山三百。支山三千。易曰。山下出泉。凡水必發源於山也。考全晉。梁爲晉望。恒霍太行。王屋析城。不一山。而水源惟桑乾。滹沱。漳沁。汾洮爲大。沃山脉本太行。而百里間之巍然在望者。則以絳山爲宗。與東陘南北相對。若白石。紫金。峨嶠。雖各標名目。其實皆絳山之支也。汾出靜樂。燕京山。澮出翼城。翔高山。絳出絳縣。沸流爲沃泉。天井水出翼城。東陘山。悉載水經注。源源本本焉。如屏如障。若帶若鈎。淳峙實此都之利胥。不可以不記。志山川

東陘山

在縣東北六十里。發脉太行。縣北崇山。橋山。壚頭山。其支也。界連翼城。水經注。天井水。出東陘山西南。北有長嶺。嶺上東西有通道。即鉞蹬也。穆天子傳曰。乙酉。天子西絕鉞蹬。西南至鹽。是也。注。蹬字作登。鉞字音邢。郭璞云。即井鉞之山。

橋山

在縣東北偏四十里。高五里。太行自澤達翼界。為東陘山。再折而西為橋山。山下有廟。循廟東北望。雙峯峙空中。由東北石磴造雙峯巔。北壁萬仞。徑乃絕。迂道東峯之北。梯而登。徑稍稍曲。既躋巔。羣山胥斷。嶄然削成。南北可三四丈。東西少廣。有石室。無疆道人嘗居之。為詩三章。有入山皆異草。深谷生幽香之句。石壤不能全辨矣。環山多栢。生石隙中。與曲磴上下。雨歇雲散。蒼翠欲滴。中峯祀軒轅。今廟燬。石柱鐵瓦。猶有存者。遇歲旱。村民禱雨。見有片雲止簷際。輒雨。中有石洞。窈然無際。昔有樵者好奇。人探聞水聲。懼而返。山覆洞上如橋。故名。俗省作喬非。史云。黃帝葬橋山。此其地也。子華子程本。以軒轅陵在山。著問鼎文。或謂此其葬衣冠處。邑人劉繼志詩曰。白仞巉巖俯八

荒。軒轅舊闕接雲鄉。騎龍漫說登天去。晴日山頭問夕陽。

崇山

一名太尖山。在縣東北五十五里。即橋山東峯也。山較迴。中抱招提。山巖寺也。寺前壑中有石井。泉甚甘冽。井石苔蘚。作老綠色。寺左右多異木。不可辨名。西北別峯。浮圖立霄漢。西顧汾流如帶。所謂秀拔羣山第一峯者非耶。

壚頭山

在橋山之西。其巔畧坦。爾雅所謂上正章也。峯側有石龕。似避世地。鐵鐘猶存。

絳山

太行山之支也。在縣南十五里。澮水之南。東達太行。西極峨嶺。高五里。盤踞綿亘。袤廣百里。隋唐書云。山產銅。今下草木鮮少。土色皆赤。故名絳山。其最高者名紫金山。為郡南屏障。四境瞻仰。晉國之稱古絳。故絳。新絳。南絳。北絳者。皆以此山得名。水出其下者名絳水。

紫金山

在縣南十三里。絳山之最高峯也。山麓宜柿。秋深霜清。萬葉流丹。望之如赤城。其巔為四稜寨。凌空抗勢。

絕壁如削。北拱縣城。猶列屏然。迤東紫霞宮。宮側有風洞。深邃莫測。時聞風聲習習。古志謂昔山產銅。金母銅子。名或取諸此。而今亡矣。

白石山

在縣東南二十里。絳山之東支。山多白石。故名。卽詩唐風所謂白石鑿鑿。白石皓皓。白石粼粼者也。呂柟

白石樓記云。山有瀑布。自嶺懸下。其西一支爲西溪。經景明村。其東一支爲白水村。入西溪。樓南白雲洞。兩石敲倚

如門。西溪之中。孤嶼歸然。日釣臺。而濯纓磯亦在其旁。飲牛灘在西溪岸。其前爲觀瀾石。溪水初自山嶺而下。湍急

奔注。樓東南爲翠微岩。又其上爲卧雲峯。翠律寄壑。雲物環宿。白石山人李鎮嘗遍閱山水。曰。無如吾白石山也。

老子坡

在縣東南三十五里。上有老君廟。山多老栢。霜皮鉄幹。環繞上下。遠望之。翠黛浮空。亦奇觀也。

青玉峽

在縣東南二十五里。沃泉懸出其間。兩岸對峙。高數十仞。蒼森靜穆。六月過之。若不知其暑也。

望夫山

在縣東南二十五里。絳縣在其山之陽。沃人往豫楚。閩廣之小路。遊于貪得忘歸。輕棄其妻。望斷天涯。思

夫靡已已也。

郝家山

在紫金山迤西。明刑部郎中郝修已。服官清介。洪武時賜紫金山一區以旌之。卽此。邑人呂乾健有恩賜

紫金山記。

冰巖

在郝家山東。山半有泉。下注石崖。冬則凝而成冰。山陰日色罕照。冰堅不散。至春夏猶存。卽晉殿懸冰也。

觀音山

在冰巖西。絳山之支也。與古晉城對列。山有祠。祀觀音大士。故名。邑人王大作有記。載藝文。

晚照山

在縣西南三十五里。卽絳山西峯也。山東高西下。獨受夕陽。迴光所被。霞生壁間。古稱絳山晚照。卽其地。

鐵嶺

在縣西南五十里。隘口。東倚絕巘。西臨大壑。迤南石色如黛。峯峻徑仄。車難並軌。昔設關於此。名鐵嶺關。今廢。

螺髻山

在縣西南五十三里。青螺如髻堆。自小路經行。西望層層。盤堆寶塔。

嗟子峴

在縣西南五十里。孝子貿易秦楚。其父母思之。登此峴以嗟之。山以南。卽聞喜境。

峨眉山 在縣西南四十五里。隘口之西。袤廣十餘里。餘支入絳州。聞喜。稷山。倚氏界。亦絳山之支也。新田南望。翠

靄若長安之終南。唐人岑參有蛾眉山月落。蟬鬢野雲愁之句。

翠金山 在縣西四十里。臺神村。臺駘廟居其上。明志。臺駘廟

花石。獨異他處。

南北望 江河流曲處名望。縣西四十里。汾曲東岸。一帶村莊高阜處。皆以望稱。有南峯望。北峯望。北平望。南平

望。下平望。張望。等望。邑人遊秦隴者。一去數十年。其家人憑而望之。異其急早歸寧也。西岸屬絳州太平。

陟帖 在縣西北四十里。即蒙山頂也。南為蒙城。北為蒙坑。孝子行役燕趙。久而不歸。其父母陟此帖而轉傷之。知縣

張坊有詩云。意快身安雲水間。沃人誰肯念鄉關。分汾會澮思謀而。陟帖尋岡一愴顏。旅夢乍回嗟子吧。客心應轉望夫山。家園吟望情何限。志切庭闈自早還。民久外不歸。寓意風勸。所以聳動其天良也。

南嶺 在縣東三十里。溫泉出其西。山鼓堆南下。為小綿山。再折為南嶺。蜿蜒盤旋。縣治之來龍也。

尋岡 即今秦岡。在縣東二十五里。邑與翼城分界之高岡也。自南嶺至秦岡。尋龍者必到其岡。而邑人遊吳越齊梁

者。必經此路。遊子行役。父母妻子兄弟。登此岡以尋之。故名。

汾水 在縣西北三十五里。西十八里。源出靜樂縣管涔山。由襄陵太平來。入縣趙莊境。南逕南北雨逢王村。至高縣

鎮。合水注焉。又西南逕高陽村。至汾陰。少折而南。遠大李村北。西逕小李西李觀。褚平望諸村。古虎神宮北。又西逕臺神村。臺駘祠。入絳州界。水經。汾水又南過臨汾縣東。又

屈從縣南。西流。注天井水。西南入汾。汾水又經絳縣故城北。竹書紀年。梁武王二十五年。絳中地城。西絕於汾。汾水西逕虎神宮北。橫水有故梁。截汾水中。凡有三十柱。柱逕五尺。裁與水平。蓋晉平公之故梁也。物在水。故能持久而不敗也。

澮水 在縣南三里。發源翼城翔高山。西南流入縣東北。東賀村境。循平樂。衛范。吉莊。東西棘壁。踰尉村。逕盈村。歷常

村望絳。上下兩裴莊。至交里。絳水挾清水來。又西流。逕南
 吉村。安吉村。濟溪來會。又西逕東西兩韓村。金沙村。香邑。
 單家營。張少。至侯馬橋。過上馬。宋郭。堦上。三村。又虎祁西。
 東西陽呈村。逕莊里。入絳州境。注於汾。水經注澮水又西
 南與絳水合。俗謂之白水。非也。水經西過絳縣南。注春秋
 成公六年。晉景公謀去故絳。欲居郇瑕。韓獻子曰。土薄水
 淺。不如新田。有汾澮以流其惡。遂居新田。又謂之絳。即絳
 陽也。蓋在絳澮之陽。漢高帝六年。封越騎將軍華無害為
 侯國。縣南對絳山。面背二水。水經又西南過虎祁宮南。注
 宮在新田。絳縣故城西四十里。晉平公之所構也。宮地背
 汾面澮。西則兩川之交會。竹書紀年
 曰。晉出公五年。澮絕於梁。即是水也。

絳水

一名沸泉。在縣東南二十里。景明村。源出絳縣。流入縣
 境。東南逕青玉峽。怒流石隙。至懸崖。激之下注。為景明
 瀑布。即爾雅所謂沃泉縣出者也。水經注絳水出絳山東
 至寒泉。奮湧揚波。北注縣流。奔壑十一許丈。青崖若點黛。
 素湍如委練。望之極為奇
 觀矣。其水西北注流於澮。

清水

源出李野村。入絳水。二水合流。歷西周村北。至上裴莊
 西。折入澮。

濟溪

在縣南五里。出紫金山麓。濟瀆祠側。流入澮。波澄碧。
 溪側滿水井。流泉活活。歲上巳。都人士祓於溪上。寶馬
 香車。絡繹長林中。歌謳之聲
 相聞。有清明上河之風焉。

金溝水

在縣南隘口。經陽城里。入於澮。

天井水

出縣北崇山。即東陘山水也。水經汾水又南過臨汾
 縣東。注天井水。出東陘山西南。其水三泉奇發。西北
 流。總成一川。西逕堯城南。又西南入汾。寰宇記天井水。一
 名石槌水。新志有合水在縣北二十里。源出卧龍山。與溫
 泉諸水。合而成流。西入於汾。蓋即故天井水矣。水有三源。
 一即出東陘山。其水時隱時見。流逕堯城西南。與諸水合。
 一出金河。在翼城西北三十里古暑村。由覆滄山後入曲
 沃界。一出釵股泉。府志出翼城縣西十五里感軍村。雙泉
 並湧。形如釵股。本村引以灌田。西南入曲沃。舊志漢文帝
 為代王時。將之代。薄太后從焉。聞河上翁明老子道德經。

隱翼八寶山中。枉駕訪之。衛士經此渴甚。后插釵於地。祝天得泉。故名釵股。三泉合而成流。土人謂之合水。又名釜水。俗名鼓堆水。合溫泉西經河上村。至高縣鎮北。入於汾。

響水泉

在縣東北二十里郇村北。出土龕中。自上注下。潺潺有聲。故名。

龍底泉

有二。一在林交村山下。平地湧出。一在水巖下。晉時嘗架水入城。環繞宮殿。

拔劍泉

在任莊。康熙年間。水漸涸。至乾隆甲戌乙亥間。復湧出。

溢溝泉

在東閭里。

溫泉

在東海西。一名七星海。一名龍泉。唐地志。謂之新絳渠。舊有儒學泮池。水三分。鑿城開渠。引水入。循縣衙而西。

注入泮池。

詳見水利。

夢感泉

在柴村。昔有孝子。因夢探之。果得泉。故名。

見龍泉

在縣西南山下。兩峯對峙。盤踞蜿蜒。左傳。晉頃公十三年秋。龍見於絳郊。故名。內有清泉。上有龍神廟。禱

雨多應。其巔有塔。名無影。蓋驗之端陽正午云。

飲馬池

自聞喜來。遶驛橋村西北。流入於澮。

滿水井

在上院村。出自神龍年間。深九十餘尺。村人悉飲此水。為覆廟其上。歲時祀之。

滴水溝

在蒙城鎮東十里石窰內。今廢。

臥龍溝泉

在南屬寺城北。流通晉橋村。民引以灌田種稻。

新修曲沃縣志

山川

潘崇安舊志。山川不列名。倣禹貢水經體。作橋山。紫金。汾水。澮水四段。以衆山水敘入。似屬別裁。但發源分派。經流支流。原委不詳。掛漏實多。橋山絳山。沃山之著名者。天井水載在水經。爲縣之北支。不稽于古。踵傳紫金合水。澮水爲縣之南支。敘載無本末起結。夫兩山屏藩南北。二水護送橫汾。川原大好風水。其中晉國五都諸陵。山巒岡阜。皆君卿大夫名跡。經傳史漢所紀載。一如泰山息嶧間。沂泗交流。曲阜孔林最茂也。因權知翼城。得親歷五都故址。統觀全局。作山川記。曲沃山脉。發太行山。水則滙歸于汾河。行山自翼東來。起爲

東陘山。經注天井水出東陘山西南。即鉞陘也。西至縣界。為崇山。一名太尖山。

又名臥龍山。隋時有龍臥此。故名。元王暉秋日登山。有詩。山分峙五峯。俗謂小五臺。有刻石。又西則

橋山。山西面空曠。晚霞獨照。即十景中橋嶽晴嵐也。中峯為軒轅黃帝陵。皇覽黃帝陵在上郡。

此為葬衣冠處。又西為壚頭山。晉賢士程本墓在焉。北麓盡于蒙坑。兩山壁立。一徑中通。

邑西北之險。山名陟帖。舊名蛇虎谷。南麓盡于黃帝廟。在驛路左。廟制壯麗。明巴陵楊一清有詩。

行山南起詳高山。一作翔高山。如鳥張翼。翼之得名以此。澮水出其下。西為古晉城。唐

遷翼。熒父以南有晉水。改國號曰晉。中出黑水嶺。今西烏嶺。黑水出焉。西南為故絳。即今翼城

治。詩譜。水經注。穆侯都絳地。武公又都絳。獻公廣絳城。是為故絳。又西起小綿山。俗名古堆。坡下有唐

叔虞墓。南為古唐城。即商豕韋國。成王封叔虞地。西南至縣之南嶺。溫泉出其西。蜿

蜒磅礴。為縣治之山脉。過辛岡。辛村西北。西南當絳澮之陽。為曲沃。詩譜。晉

曲沃五世。左傳。昭侯封桓叔于曲沃。在今縣治西南二里古城。即沃國春光地。又西至神泉鎮。舊村設府

兵。有泉注太子陂。今涸。又西至分水嶺。白集西北。西盡平望山。汾

為十景之神陂落鴈。一曲。北望襄陵。太平。西暨翠金山。山上為臺駘廟。臺駘。汾神

南絳州。為橫汾大觀。駘何神。子產曰。昔金天氏有裔子曰昧。為元冥師。生允格。臺

駘。臺駘能業其官。以處太原。帝用嘉之。封諸汾川。故平公

瘳。為汾神建廟。又南臨汾澮之交。為新田。今侯馬地。春秋。景公廿

土厚水深。有汾澮以流其惡。遂遷新田。又稱新絳。秦漢

為絳縣。東漢為絳邑縣。唐新田府兵鎮。即新田秋色地。

行山南行。別。絳山自北而南。又西北行。凡三百

邑州郡。新始。西北至縣界老子坡。翠黛浮空。東南一奇

則白石

詩唐風揚之水白石鑿鑿白石者是水經注東至寒泉奮湧揚

注懸流奔壑

許丈即景明瀑布

又四紫霞洞

昔有好南華者日習靜今丹爐猶存洞深莫測

風聲習習山下徑通絳垣

豫楚吳越望夫山在其東

又西峙紫金山

絳山最高峯巔為四稜寨

凌空北拱縣城若列屏然中有

紫陽宮燕人張詩作詩紀其勝

至郝家山

明郝修己躬山後居官清

武間賜以旌之

又西水巖

峽有泉下注結冰山中日月虧至三四月猶存晉都澮北遙與巖

草木異于他岫

對十景晉殿懸冰即此元

暨觀音山

山有祠祀觀音大士進士王大作有記

學士靳榮有詩寫景宛肖

西為絳山晚照

明邑人耿純李廷寶有詩

又西至鐵嶺盡西南諸縣之峨

峩山

昔嘗置關于此村名隘口峯峻徑仄車難並軌為邑西南險要嗟子祀在焉迤西則為絳屬之峨峩山矣

天井水出東陘山東北來逕縣堯城南王村鎮

水經注天井水出東陘山

西逕堯城南西南入于汾水有三源俱出翼城一即東陘山

一出金河一出釵股河合而成流土人謂之合水水經注三

泉奇發西北流總成一

西行踰吉許村逕郇村北

郇村有響水泉泉西

則溫泉入焉泉出海頭村一名龍泉

又歷曲村南曲村為漢信武侯故

一名七星海十景星海溫泉即此

居歷漢魏隋唐宋金元明子之閭家河莊頭辛村屯里諸村

孫青紫相繩至今衣衿聚族

村人倚厓穴處列小籬落門臨流水饒有野趣

辛村有其上名龍臥橋賈舍人鳴璽有記西經白集

橋北

蘆荻蕭蕭風動霜飛行人皆栢荒楸司農李大嘉墓在焉流至高駝

河橋

高縣後周書作高顯齊主圍晉州自汾出帥師救之次于高顯即此

澮水出

司山合澮交諸水

水經澮水出河東東澮交東高山注

翼城南

舊都澮

以遷都于絳暨孫孝侯改絳為翼北川水又古賀水高泉紫谷

